

## **Wijalangasakya' Jonimì Wijalangasakake'nesì.**

<sup>1</sup> Sinnawì yagaala datha' lïka yul-yarakesì. Yì Jizaazai Kiraazitiyai ku'maayaba marima'naabakesì. Sahwai neminyine'na yoimavakesì. Gotiyai daza' Jizaazarì yimwangakesì. Jizaazai gannya yaasiwa'wawinyaraavina yibwaridaakwa'ne' yime'nya'bì' yima'nadenna wijaavakesì. Sai neminyina kunya, yawisa nejaavani' yuya dazanna dare. Sai gamire mamaayarì ejeliyarì Joninnyawinna maryasaaba'. Nimi gamire yaasiwa'wawinyainyina yì sai yagaalya' nyijaava'. <sup>2</sup> Nimi Joninnyì yuya dazangi tìna mena wangamwa. Yì nimi tìna wanganene yunebanna Gotiyare yagaalya' ku'maayaba jalikurakivanige. Yì yagaala Jizaazai Kiraazitiyai nyijalikurakaka daza'na jalikurakivanige. Nimi dara divanige. Yagaala daza' yì nebulyasi. <sup>3</sup> A'mwei Gotiyare yagaala datha dividaa'nya yima'nade wanganadadelyi nabaai yagaala Gotiyarì wi'nawij+waakadinya a'mwe yì'bwa'nawì'nadivisara kadika wi'nadivì' sawara Gotiyare yagaala yida'mwe datha' sara mididivisarajì yilaaya yadivì' tewaanaanga winaderera. Sare' dare'nanyi. Gotiyai mena dake yida'manige datha yima'nadehaa' yì sagaa' maalikegaaki.

*Kiraazitiyare kusilaanyangiya anga ata puridaa'nyi pwaraalyangina Joniyidavake'nesi.*

<sup>4</sup> Kiraazitiyare kusilaanyangiyaihi anga ata puridaa'nyi pwaraalya sabanyaihi!

Nimi Joninnyi yagaala datha' sarimi Eziya simagi mwaaihasaihirina yidamwesi. Dahaa' Gotiyai mwaalikei, sahwai kigaakuna kuna mwaalakei, dividaa'nyi kuna yima'naabathei yisahwai sariminyi yange'na yihigaimwagana! Sariminyi kwaamu'nanyabwi yihyana! Nabaai Kurya ata puridaa'nyi pwaraalyara (Kurya Nawinya Naangei) Gotiyare kinginamwaalyisavi daakasara sariminyi yange'na yihigaimwabika! Sariminyi kwaamu'nanyabwi yihyipika! <sup>5</sup> Nabaai Jizaazai Kiraazitiyai sai Gotiyare yawita yuya nebulya'na yida'na jalikurakadei sai aaya mudinanyai a'mwe bainikeraayawi ayina dikaavakei sai kingiya yuyara Kwaakevaki mwaaihasaraavi maremwaidei yisai sariminyi yange'na yihigaimwagana! Sariminyi kwaamu'nanyabwi yihyana!

Sai neminyi kale yange'na neyadei, yisai gamire tawe savi nemire kayaa'nanyanna marasinakelyi. Kayaa'nanya sa nevwiyinikeina mamwaalya'ne'na balakelyi. <sup>6</sup> Sai neminyi maremwaidaanyainaavi nemwaaihada yisai Gotiyari gannya Ganimaangeri widaaya'neina Gotiyarina mubithika yira'daanyaina "Su! Su!" widadaa yilaaya wiadaa gaminyi makidaa yadaanyainaavi nemwaaihakelyi. Sasarerine yaya naange' byaanna naangesi diraginna

ya'nebulyi yuyagaa' yuyagaa' kuna warana!  
Sahiri+sira. Nebula naangesi.

<sup>7</sup> Yithaanyi! “Sai yiraayavi waimanaabiko.”

Yuyaraavire tinniyaraalyi sahwari  
wangabi'derina.

A'mwata wiliwadaakweta kwaraji  
wangabi'derina.

Malimwagyara yita yuyavakaaviyara  
wangabi'derera.

Sahwara siduta kwalaalya yawipi'dere.

We! Gaminyine like'na jakinna dipi'dere.

Yo! Sahiri+sira. Nebula naangesi.

<sup>8</sup> Naangei Gotiyai dara divani! “Nimi yune  
sahwainyi aaya sinnawinne nebulya'nanyainyi  
(A). Nabaai wana nebulya'na aaya divineinyi  
(Z). Sinnawinyainyi. Ayaangeinyi.” Yi  
dazai dahaa' mwaalikei kigaakuna kuna  
mwaalakei dividaa'nyi kuna yima'naabathei sai  
Diraginiyaya Yuyangi Aya Kaavilyalyi. Yuyangi  
Minyaginyalyi.

*Kiraazitiyari A'mweraavine Kaimiraayari  
Jonitinna wanganake'nesi.*

<sup>9</sup> Nimi Joninnyi sariminyi siryamweinyi.  
Nimi sarimiji Jizaazari taanginyaviji  
Gotiyai nemaremwaaidewiji taanga  
nejaavadivi' diraginna da'daanyaburiji  
sangi ye'mwannamwaaidinyainyi. Sareinyi  
Gotiyare yagaalya' wijiwakamarye'naji  
Jizaazarina jalikurakene'naji Ahu'manna  
Paatimozu wo'nikeba kalavuzanya maaresainyi.

<sup>10</sup> Yirika Naangeregaa' (Kiraazitiyarina  
yibwa'nawinadanyagaa') Kuryai niminyina

diraginna bulamwaaina nyiwa'. Sara nyadaa'nyi nini'nyi dusidaasi nini' maangwiraaya pir'i' wi'nyina. Maangwiraaya sa' jaka diraginna dina pihuliyavire jake'bisa'.  
 11 Maangwiraaya daza' dara dina "Yuyangi tinna wangamaniginya, sa gim'i nayaa pikarya jitha! Pikariyikwiavi ya'gizi anga ata puridaa'nyi pwaraala dangine Kiraaзитiyare kusilaanyangiyaraavina jaasi! Yi Anga Epazaaziji Simenaaji Pehamaamiji Taayataairaji Saathiziji Pilathelipiyaji Layothiziyaji anga sangina dimarayaasi!"

12 Nimi "A'mwe yagaala nyidivanika sari wanganima!" dena ginyiwannyina. Mena ginyiwannyina yena yi laamivananya' yilakya'ne goliya' ata puridaa'nyi pwaraala sa wa'di'nyiya tinna wanganna. 13 Yi a'mwe pwai laamivananya' yilakya'ne dazangi tinnyaba daa'di'nyi nini' tinna wanganna. Sai yi a'mweraavine kaimiraayaibisai. Sai baazi'ma'nya saaminaange' yune sivila kedivi yalawakinanya' baazi'ma'nakei, yi sai munnaanya goliya' gannya kihisavi pwiynakei. 14 Gannya m'nyaginyavi mijasa' yune nebulya'na yaake'nanya', sipizipiyavire arilya'bisa' yi wivitirata yaake'bisa'. Yi gamire tinnyai ditaalisa'bi' yidadaasi. 15 Yi gamire sivilyiraai wana nebulya'na di'baaka mwadadaasi, aringa kwaari'mata biraaziya' di'ka naangevi yira'divitabaabisi'raai. Nabaai nini' kadika wi'nawe' gamire yagaaimaangwiraaya' aalijaka naange' yinnadevaabi' kinniwa' wi'nawa.

16 Sai aangasiri silingaaminya ata puridaa'nyi pwaraala limwagari'. Yi kwaari'masiraminya piri' gurimaanga yuyimaginiyaai yinike' sa' gamire maangevidaasi waraka mwasaba walyaabinike'. Nyilyai sirigwajahaa' nyila diraginna dadevaabi' gamire sinnyi' baaka naange' wimwadiwa'.

17 Sahwari nimi tinna wanganena lika yena gamire sivilyiraaryaba wala'na. Yi nimi wana a'mwe mena bainikeibisainyi. Sara kye sai niminyi aangasi yilanyakaka dina "Gimi lika kuna minnera! Nimi aaya sinnawinya nebulya'nanyainyi. Yi nimi aaya dividaa'nya nebulya'nanyainyi. 18 Yi nimi gaala mwaalya'nebwi aaya kaavilyainyi. Yithaa! Kigaa' nimi mena baleinyi, kiri', yithaa, yuyagaa' yuyagaa'ne gaala mwaaiheinyi. Nimi barya'ne kiya' limwaga'di Bainikeraavire Angebanne kiya' limwagake. Yi sareinyi diraginnakeinyi 'Aawa,' kada'muji a'mwe pwai mabalyi yadelyi. Pwai bainikei bainikeraavireba yagalya'ma'na yadelyi. Nimi 'Yo,' kada'muji pwai balina yadelyi. 19 Sarevidaa'nyi yi gimipikarya nayaa jitha! Yagaala gimitiinna wangamwaanyangine' yidahaawarikenginesisahini dividaa'nyi yima'naabathennaji jithaka! 20 Yi gimitiinna wangamwaanya silingaaminya ata puridaa'nyi pwaraala daza nimire aangasiri wa'disiyannaji laamivananya' yilakya'ne goliya kininnaka ata puridaa'nyi pwaraala dazannaji yi Gotiyai yoimavajalikulakya dazanne aaya kaavilya' daresi. Silingaaminya ata puridaa'nyi pwaraala daza yi sa Kirazitiyainyire

kusilaanyangi' yara anga ata puridaa'nyi' pwaraalyangi' mwaalyaraavire mamaayara. Yi laamivananya' yilakya'ne golinaka ata puridaa'nyi' pwaraala daza Kiraazitiyainyire kusilaanyangi' yara anga ata puridaa'nyi' pwaraala sangi' mwaalyare."

## 2

### *Anga Epazaazina yagaalya' yida'nike'nesi.*

<sup>1</sup> Kiraazitiyainyire kusilaanyaviya Anga Epazaazi mwaalyaraavine ejeliyai mwaalikerine pikarya nayaa dara jitha'!

Silingaaminya ata puridaa'nyi' pwaraalya gamire aangasiri' limwaga'dei sahwai laamivananya' yilakya'ne golinaka ata puridaa'nyi' pwaraalyangi' tinnyaba kaanya yamaryade sahwai yagaala datha githasivanaabi'. <sup>2</sup> Gimi wawinya yadinya yuya sabwina mena gyawirangamanige. Yi gimire yagi'yagi'wawinyannaji taangegaa' gimidi'raginna daaya'nebwinnaji mena gyawi'manige. Yi gimidi' a'mwe kayaa'nanyaraavina "Aala!" nebulya'na diwaa. A'mwe dazara giminyi' dara githadivisare "Nemi Apozeliya Nedaasade kwainera." Kiridi' aawa! Sahwara Widaasadera mi'. Yi kumire yagaalya' mena yawibwarangamwaa. Yi kumi yadivita saburi' kaavilya' mena birama'mwaa "Yi sahwara a'mwe yune kwaasiyare." <sup>3</sup> A'mwera tinna gwangadaapi, gimidi' niminne yaya' kuna limwamanigi. Yi sahwara wana kayaa'na gyadaapi kiridi' gimidi' di'raginna

daa'di taanga daza' maa'dinyi. Yagiyadi wawinya daza'na maa'na ginnadeigi mi'.  
<sup>4</sup> Kiri' giminyina nimi yagaalya' kininnaka dareinyi. Sinnawi gim'i mudina diraginna limwagahinyagaa' yi dazagaa' niminyinaji nebulya'na givu'nakeiginyi. Kiri' dahaa' aawa.  
<sup>5</sup> Sinnawi nawi'nya tewaanyabwi yaginyaiginyi. Kiri' gim'i daza' yagalya'mavaginagaa' yi gim'i mena wala'mwaawinyaiginyi. Sarevidaa'nyi ayahi sinnawi gim'i yaginya dazabwina nayaa jawi! Yi gimire simunyabwi mudikebwi nayaa jawiramaa! Yi gim'i aaya mudinanyagaa' yaginyabaabwiji! Nabaai aawana, yi nabaai gim'i simunya mudikebwi ayina yawiramaata mija', yi nabaai nimi giminyawinna bil'mava'muji yi gimire laamivananya' yilakya'ne' warikebadaa'nyi marasi'nidesi. Simunya mudikebwi myawiramaari nyidika!  
<sup>6</sup> Kiri' dasare dathavwi kuna gwaril. Gim'i Nikolaazare mididivisaraavire saburi yikamaanga wiadinyaiginyi. Nimi kwainyiji sawaraavire saburi yikamaanga wima'nadeinyi.  
<sup>7</sup> A'mwei kadinakei, sai yagaalya' kadika nayaa winana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanayaraavi wijiwaakivanikesi. Nabaai a'mwei mala daza' wawilavajai, sawari yi nimi "Ya," wididelyi. Yi sawai a'mweraavina gaala wijaaya'ne yita dazari tika munne maaradelyi. Yita dazai Gotiyare wawinyavi Parathaazi waayi'.

*Anga Simenaa mwaalyaraavina yagaalya' yida'nike'nesi.*

<sup>8</sup> Kiraazitiyainyire kusilaanyaviya Anga Simenaa mwaalyaraavine ejeliyai mwaalikereine pikarya nayaa dara jitha'!

Sahwai aaya sinnawinya nebulya'nanyai nabaai aaya dividaa'nya nebulya'nanyai aayaangei kigaa' mena balakei kiri' gaalyai ayina yima'naabakei yi sarei yagaala datha githasivanaabi'. <sup>9</sup> Taanginya gima'nivanikennaji nebulya'na gilyivita wana kuneigi mwaidaa'giyabulyi gyawirangamanige. Gilyivita kuneigi kiri' gim pi ni kwalaalya kininnakeiginyi. Nabaai yagaairaizika daza'na a'mwe pwara sahwaru giminyi givanigasa'na gyawirangamanige. A'mwe dazara sahwaru dina "Nemi sahwaina Juyaraavidaasaine." Kiri' sahwaru nebulya'na Juyaraavidaasarana mi'. Aawa. Juy kwara kiri' sahwaru yune Saataanimirevaasiyaraavina. <sup>10</sup> Divi maalikagea' gim daange dimaa'dengina lika minnera! Yithaa! Saataani sai Yuyaraavi Kotiya Maryadei jida'daa'nyi sarimijiya pwaraavi kalavuzu wimwaaih'ipi'dere. Sariminyi yaamiji yijiwaala'ne' sara yihyipi'deihilyi. Yi yirika ata yuyiraalya yinigeaa' sarimi Kiraazitiyareihiri taanginya yihizaavipi'deihilyi. Kiri' niminyina nayaa dilimwaga! Kuna kuna yiwo'gizi yune gim baidizagaa'na yi nabaai gaalya' yivarula nawinyai giwatawideinyi. (Kingimwaaih'inya' gwakideinyi.) <sup>11</sup> A'mwei kad'i nakei sai yagaalya' kadika nayaa wi'nana! Yi yagaala daza' Kurya



Tewaanyai Kiraazitiyainyire kusilaanyangiya anga geva gevanyaraavi wijiwaakivanikesi. A'mwei mala daza' wavilavajai sahwari yi ayahi barya sa' kayaaka yigalakadei mi'. Aawa nebulyasi.

*Anga Pehamaami mwaalyaraavina yagaalya' yida'nike'nesi.*

<sup>12</sup> Kiraazitiyainyire kusilaanyaviya Anga Pehamaami mwaalyaraavine ejeliyai mwaalikerine pikarya nayaa dara jitha'!

Kwaari'masiraminya pir'i' gurimaanga yuyimaginyaaai yinike' kininnakei yagaala datha githasivanaabi'. <sup>13</sup> Angeba mwaaihinnyaba anga dazaba Saataani kingiyai maremwaalikebanna nimi yawirangamanige. Maremwaalika kiri' gim' nimirne yaya' diraginna limwaga'dinyaiginyi. Yadi gim' nimirnyina diraginna limwadi yi diraginna limwanga daza' lika yulyakadinyaigi mi'. Nabaai kigaa' a'mwe Adipaazai nimirnyina nayaa nebulya'na jalikurakadei sarimiji ye'mwannayihimmaalaka sahwari sariminyaba tamakesagaa'na nimirnyina kuna diraginna limwagakinyaigi. Nimirnyina "Aala!" majahinyaigi. Anga dazaba Saataani mwaaida gannya wawinya' yivanikeba kiri' sara yadinyaigi. <sup>14</sup> Kiri' nimi giminyina yagaala pir'i' pir'i' kininnakeinyi. Yi sarimijiya pwara kwaas+w'i'nawijiwaakya Belaamimirebwina limwaga'divisara kininnakeiginyi. Belaamimirebwi yi daresi. Sinnawi kigaa' Ne Mozizaregaa' sai maremwaaide Belaakimi dara yibwaridaakwa'.

A'mwe Yizireliyaraavi kwaasi yijiwaalyabwi dahe'bisabwi kya' a'mwe sara wagilyavi walaraawe'. Yi Belaakijiya Yizireliyaraavi yidikaave'. Yi sahinĩ kwaasigotiyaraavi yidika yesa tika nya'na sahwaravĩ yina yeva yaasiwa' pamarinyabwi ya'na yidikaavesare. <sup>15</sup> Sasarebaabi' gimijiya pwara Nikolaazare wijiwaakya' limwaga'divisaraji kininnakeiginĩ. Baa'nana! <sup>16</sup> Sarevidaa'nyĩ yĩ gimijiya pwara "Simunyabwi mudikebwi nayaa jawiramaa!" Nabaai aawana, sara myijaiginyawinna yarai bi'mavideinyĩ. Yi nĩmi a'mwe dazaraji kwaari'masiraminya nĩmire maangevĩ nyarĩka dazasĩ mala barannaadeinyĩ. Kiri' gĩmire tewaanyabwina gyawirangamanĩge. <sup>17</sup> A'mwei kadĩ'nakei sai yagaalya' kadĩka nayaa wi'nana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanyaraavi wijiwaakivanikesi. A'mwei mala daza' wavilavajai, sahwarĩ tika wapaa manaaya Sigunyabanya pinĩ dahaa' kĩma'nyawĩ lĩka yulyarĩke wijaavidelyĩ. Nabaai nĩmi sitihwawinya yaaka pimilĩ' wijaavidelyĩ. Yi tihwawinya dazamĩlĩki yaya mudĩke' yida'nĩkemilĩ' wijaavidelyĩ. Yi aawa, a'mwe pwai yaya daza' yawiranganadei mĩ'. A'mwe tihwawinyamĩlĩ' maarajai yĩ yune sawaina yawiranganadelyĩ.

*Anga Taayataaira mwaalyaraavĩna yagaalya' yida'nĩke'nesi.*

<sup>18</sup> Kiraazitiyainyire kusilaanyavĩya Anga Taayataaira mwaalyaraavĩne ejeliyai mwaalikerĩne

pikarya nayaa dara jitha'!

Gotiyare Gawaalivaangei sai tinna ditaalisa' naanga yidamakida yidaderaai kininnakei sivilyi wana nebulya'na di'baaka mwadadaasi kwaari'mata biraaziya' dika naangevi yira'divitabaabisi kininnakei yagaala datha githasivanaabi'. <sup>19</sup> Gimi yivaniginya yuya saburana, gimì a'mweraavina tewaanya givu'nivanikebulyi niminyina diraginna limwaga'maniginyabulyi yi a'mweraavi gaimwagya'ne widaayivaniginyabulyi yuya taanginya gima'nivanikengi diraginna daa'maniginyabulyi nayaa gyawirangamanige. Nabaai dala piwinanya sabwi gimì aayagaa' gaai nyilimwagahinyagaa' yaginya sabwi sa' tewaanyasi. Yi dahaa' diviya sa' yi sinnawinyavi wavila'mwaka wana tewaanya nawi'nyangesi. Sare' gyawirangamanige. <sup>20</sup> Kirì' giminyina nimi yagaalya' kininnaka dareinyi. Gimì a'mwe daza' Jezeveliya' gimiji ye'mwannemwaaidevi yaasiwa'na baihana'na yadinyasi. A'mwe daza' kwaasi dara dadesi "Nimi piropetiya'nyi. Gotiyari wi'nadi a'mweraavi wijiwaakadinya'nyi." Sara dada nimore yaasiwa'wawinyaraavi kwaasi wijiwaakina. Yi sahwara yaasiwa' pinamarya sabwi midinya'naji yi miwita kwaasigotiyaraavine yidika yadivisa tika nya'naji kwaasi wijiwaakina. Sasare dazaburi sa' wana kwaasiya' nimore pwara sara yadivisasi. <sup>21</sup> "A'mwe sa' simunya mudikebwi yawiramaarana!" yawirena pigaa'nevi yaamiji yena yemwaaimanige. Kirì' aawa. Sa'

simunya mudikebwi yawiramaasa'na “Aala!” divan'i. Gannya yaasiwa' girikita'nanya yade sangina bule' wijaaya'na “Aala!” dina. <sup>22</sup> Yithaa! Nim'i nalabwaryavi a'mwe dazavina daangesi nalaaya naangesi wijaavidesi. Yi a'mwe dazara sahirisi girikita'nanyabwi yadivisara sahwara simunya mudikebwi yawiramaata myapiji gami yade sabwina bule'na mujaayi yipija' yi nim'i daanga naangeji taanginyaji wijaavidere. <sup>23</sup> Gamire kaimiraaya kwaraaviji yi nim'i yuna tamakidere. Sarevi yi Kiraazitiyainyire kusilaanyangiya yuyavaka nayaa yawipide'nanyi. Yi nim'i a'mwe yuyaraavire munyikaaviji simunyangiji nayaa maryawibwa'dinyainyi. Yi nim'i sariminyi gazaigzaiginyi yiniga wi'na yadivita sabwine' yihirivikirideinyi. <sup>24</sup> Kiri' sarimi pwaihiri yihithivanige. Sariminyi kwaihi Taayataaira mwaalya pwaihi a'mwe savire yagaala daza' m'ddivitaihi mi'. Yi sarimi sasare dazabwi dara dadivisaburi “Yagaala yune kusawi nebulya'na Saataanimire sabwi,” yawiramaa'divitaihi mi'. Yi sarehiri dara yihithivanige. Yi nim'i naanga piri' yihwakideinyi mi'. <sup>25</sup> Aawaawa. Sarimi limwaga'divita sabwi yi kibwi nayaa diraginna dilimwagyila! Kuna yiwopiji yune nim'i bi'mava'mujiyagaa'na diraginna dilimwagarila!

<sup>26</sup> A'mwei mala daza' wavilavajai, a'mwe nimire wawinya m'dinoji yune gamire aya yiwuya yajahaa'nei yi sahwarina nim'i diraginaange' wijaavidelyi. Diragina sa' daresi. Sai minyaginyai ajimya yuyangiyaraavi maremwaaladevurinera.

27 “Sai yita kwaari'mayaginyari' limwagozi  
 A'mwe saraavi diraginna maremwaaladelyi.  
 Maa'gula kwadike mala tadaapi  
 Pwaki'da yaaye liliya wa'devaabisasi.”  
 Niminyina Nimwai diraginya'  
 maremwaalya'ne' nyijaavakabaabi' diraginya'  
 sa' wijaavideleyi. 28 Yi nabaai nimi silingaaminya  
 mwanayaga'ne kaabwe' wijaavideinyi.  
 29 A'mwei kadinakei sai yagaalya' kadika nayaa  
 wi'nana! Yi yagaala daza' Kurya Tewaanyai  
 Kiraazitiyainyire kusilaanyangiya anga geva  
 gevanayaraavi wijiwaakivanikesi.

### 3

*Anga Saathizi mwaalyaraavina yagaalya'  
 yida'nikenesi.*

1 Kiraazitiyainyire kusilaanyaviya Anga  
 Saathizi mwaalyaraavine ejeliyai mwaalikereine  
 pikarya nayaa dara jitha'!

Sahwai ata puridaa'nyi pwaraala Kurya  
 Gotiyareraji silingaaminya ata puridaa'nyi  
 pwaraala dazaji kininnakei yagaala datha  
 gimaryasivanaabi'. Gimi yivaniginya  
 yuya saburana mena gyawi'manige.  
 A'mwera giminyine yaya' dara dadivisare  
 “Kiraazitiyarera angeba mwaalya dazara gaalya'  
 kininnakera mwaaiha'.” Kiri' aawa. Mena  
 Gotiyarina bainikeiginyi. 2 Naangevaa'gi  
 se warya' yagalya'mava'gizi tinna nayaa  
 baihanarya'neigi dithikaaka! Gimore yuya sabwi  
 kuna maali'na warike yuna nabaladika! Yuya  
 sabwi baimanikebwi nayaa diraginya jivaimwa!

Sare' dare'nanyi. Gimì yadinya yuya sabwi pìrivi sa' yuya yida'nanya' nìmirè Gotiyare tinnyarì nìmì tinna mwanganabirivanige. <sup>3</sup> Sarevidaa'nyì yagaala tewaanya dazavì kadìka mena wì'naginyagaa' gìmì lìmwagasabwi maaraginyabaabisa' gìnnya simunyavì nayaa ayina jawi! Daza'na ya'gizì sabwi nayaa mididì simunya mudìkebwi jawiramaa! Savìdaa'nyì se' myagalya'mayija' tinna nayaa baihanarya'neigì madìkaayì yija' a'mwe kukei bi'ma'devaabi' nìmì gìmìnyawìna bi'mavideinyì. Nabaai gìmìnyawìna bi'ma'mujahaa'na gìmì jawì'deigì mì!. Arìkewinyì. <sup>4</sup> Kirì' maalikèvaa'gì yaya pìnijiyara Saathìzì mwaaihata pwai pwai kìninnakeiginyì. Sahwara kumìre baazì'ma'nya grìka yìgalakadivìsara mì!. Kumì dazara yì nìmirè baazì'ma'nya yaake' baazì'ma'napi yì nìmìjì ye'mwannayamaryaadere. Sahwara sahirivì yìngà wi'nannere. <sup>5</sup> Nabaai a'mwei mala daza' sara wavìlavajai sahwari nìmì avaaainanya baazì'ma'nya yaaka dathavaabisa' wakidelyì. Yì nabaai nìmì bukuya gaala'ne sirì gaminne yaya' yìwaipìwagideinyì mì!. Arìkewì. Yì nabaai Nìmaamaangeryaba gamìre ejeliyaraayabajì nìmì a'mwe dazarìne yaya' jalìkurakideinyì. “Nìmirèlyì,” wididelyì. <sup>6</sup> A'mwei kadì'nakei sai yagaalya' kadìka nayaa wì'nana! Yì yagaala daza' Kurya Tewaanyai Kiraaazìtyainyìre kusìlaanyangìya anga geva gevanyaraavì wìjìwaakìvanìkesì.

*Anga Pilathelipiya mwaalyaraavina yagaalya'*

*yida'nike'nesi.*

7 Kiraazitiyainyire kusilaanyaviya Anga Pilathelipiya mwaalyaraavine ejeliyai mwaalikerine pikarya nayaa dara jitha'!

Sai nawi'nya nebulya'nanyai, yi nebulya'nanya sabwina aaya kaavilyalyi. Sahwai Kingiya Devitimine kiya' kininnakei kaadihita naange' baasadelyi. Basadaa'nyi gamire wawinya' naanna jithe'nanyi. Yi a'mwe aane pwai kwai kaanya sa' ayahi tihiradei mi'. Yi kaanya' tihidelyi. Yi a'mwe aane pwai kwai ayahi baasadei mi'. Sarei yagaala datha gimaryasivanaabi'. 8 Gimi wawinya yadinya yuya sabwina nimi mena gyawi'manige. Yithaa, gimire sinnyiki kaadihisa' basinadaavike' wakiwesi. Yi a'mwe kaanya tihiradei aane pwai kwai mi'. Nimi dara yawi'manige. Gimi diraginya maalike' kininnakeigi kiri' nimire yagaalya' mididi yi niminne yaya' lika yulyakadinyaigi mi'. "Sahwareinyira," widadinyaiginyi. 9 Yithaa, nimi Saataanimire a'mwe yita dathavaa' giminyina gimwangideiginyi. Sahwara dara dadivisare "Nemi Juyaraavidaasi yisavaa'nyi." Kiri' sahwara Gotiyarera mi'. Aawa. A'mwe kwaasi dadivisare. Yithaa! Yi nimi a'mwe dazara gimire sivilyiraaryawi kwaakewi bulawila'napide'na yideiginyi. Yi sahwara yawipi'de'na "Gotiyai sahwaraavina tewaanya nebulya'na mena wivu'nivan'." 10 Nimi diraginna daavebaaibi' nimire yagaalya' nyimididi yuya taanginya gima'nade sangi gimi diraginna daa'dinyaiginyi. Yi sare'na yijwaala

daza' "Kwaaka yuyawi yima'nima!" dozi yajahaa' a'mwe yuyara Kwaaka yuyawinyaraavi yijiwaalya'negaa' sa' yi giminyi nagima'nadi!! Yi yadevi nayaa gimaremwaalideinyi. <sup>11</sup> Yi giminyawinna yime'nya'bi' walaabideinyi. Yi aane pwai kwai kingimwaahi'nya' gimire tivikisa' nagimarasinadi!! Gimi dazabwi limwaga'maniginya sa kuna nayaa diraginna dilimwaga!! <sup>12</sup> Nabaai a'mwei mala daza' sara wawilavajai, yi sari dihibya anga nawi'nya nimire Gotiyarevi diraginya yiwagya'neri nimi maridaakudelyi. Yi nabaai sai anga nawi'nya savi myagalya'mayi yoji ayahi mwasilaanna walyawodei mi'. Arikewinyi. Yi sari nimi nimire Gotiyarine yaya' yidavidelyi. Yi nimire Gotiyare anga naangebanne yaya' yidavidelyi. Anga naanga daza' yi Jeruzaalemi mudikesi. Sa' yi nimire Gotiyaryabadaasi walaabathesi. Yi Sigunyavi yagalya'mavoji walaabathesi. Yi niminne yaya mudike' sa' kirisi yi sari pikarya yidavidelyi. <sup>13</sup> A'mwei kadinakei yagaalya' kadika nayaa wi'nana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanyaraavi wijiwaakivanikesi.

*Anga Layothiziya mwaalyaraavina yagaalya' yida'nike'nesi.*

<sup>14</sup> Kiraazitiyainyire kusilaanyaviya Anga Layothiziya mwaalyaraavine ejeliyai mwaalikerine pikarya nayaa dara jitha!!

Sahwai Nebula Naangei, nebulya'ne aaya kaavilyai, Gotiyare yawita yuya nayaa limwada nebulya'na yida'na jalikurakadelyi. Yuya



Gotiyai wakyaakengina aaya kaavilyalyi. Sarei yagaala datha gimaryasivanaabi'.  
<sup>15</sup> Gimi yivaniginya yuya sabwina nimi mena gyawi'manige. Gimi yirila majivanigi. Yi niminyina "Aala!" majivaniginyaiginyi. Nabaai gimi dika magimani'. Yi niminyina diraginna myivaniginyaiginyi. We! Dara githivanige. Gimi di'nakeigi mwaaidizi kwaji wikira. Gimi yirijaigi mwaaidizi kwaji wikira. <sup>16</sup> Kir! aawa. Gimi di'naka maali'na gimanikeiginyi. Gimi di'naka nebulya'na maginyivani'. Yi gimi yirija nebulya'na maginyivani'. Sarevidaa'nyi aalya di'mudinya maalika kininnake'bi' sareiginyine'na nimire maangevidaa'nyi warya gimudakideiginyi. <sup>17</sup> Sare! dare'nanyi. Gimi dara dadinyaiginyi "Nimi kwalaalya kininnakeinyi. Yi nimire gilyivita kwalaalya wari'. Pininna manyigainyivani'." Kir! giminyina aawa. Gimi wana kayaa'na mwaaihi. Yiniga wi'na giminyina kale nyadeiginyi. Gimi wana gilyiv!maaya yinahune nebulya'nanyaigi mwaaihi. Yi gimi tinna tibinyaiginyi. Yi gimi kilaakeji'nanyaigi mwaaihi. Yi nabaai gimi saigi dazavi myawiranganyivanigi.  
<sup>18</sup> Sarevidaa'nyi nimi simunya datha' gizaawa. Nimire goliya', sa' nawi'nya tirimaaya yima'nyavina dike' nake' diraginyasi. Yi gimi goliya daza' dimubi! "Gotiyarine kwalaalya kininnakeinyi yima'nima!" da'gizi sara dimubi! Yi gimire kilaakejiki baazi'ma'nya'ne' nimire baazi'ma'nya yaake' dimubi! "Yi baazi'ma'nya yaaka sa' yewaa'bwa'nima! Yi nabaai kilaakeji'nanyainyi kuna mamwaalyi

yadi wagila nanyivwa'nadika! A'mwera  
a'mwemilika tinna nanyangabi'thika!  
Yida'maraanga sabwi baazi'ma'nima!"  
da'gizi sara dimubi! Yi gimire nimir  
minariwelivananya' gimire tinnyaraari  
pu'nya'ne' dimubi! "Yi sareinyi tinna yiniga  
wi'na wanganima!" da'gizi sara dimubi!  
<sup>19</sup> Nabaai nimi a'mwe nyivu'nadaasiya  
yuya saraavi maanga widadi sahwaravi  
kumire yadivisabwi yavada'gaidinyainyi.  
Sarevidaa'nyi yi gimire sabwina simunya  
mudikebwi jawiramaa! Nabaai simunya  
nawi'nya' dike'bi' kuna jawiribaina! <sup>20</sup> Yi'thaa!  
Nimi kaadihisavi daake. Yi nimi mala  
tamida'nivanaabihe. Nabaai a'mwe pwai  
nimire maangiki nyu'noji yi kaanya sa'  
nyibasamaraabazai yi nabaai gaminyi kusawi  
wila'muji sali wilye'mwannamwaalidelyi.  
Sali tika ye'mwannanidelyi. Yi sai nimir  
tika ye'mwannanadelyi. <sup>21</sup> Nabaai a'mwei mala  
daza' wawilavajai, sahwarini "Ya," wididelyi.  
Sai namwaalyita kingiyavi nawi'nyaba  
nimir nye'mwannamwaalade'na wididelyi.  
Sinnawi nimir kwainyi malya' wawilavebaaibi',  
yi nimir Nimwalyi gamire namwaalyita  
kingiyavi ye'mwannemwaalebaaibi'  
nye'mwannamwaaladelyi. <sup>22</sup> A'mwei kadinakei,  
sai yagaalya' kadika nayaa wi'nana! Yi yagaala  
daza' Kurya Tewaanyai Kiraaзитiyainyire  
kusilaanyangiya anga geva gevanyaraavi  
wijjwaakivanikesi.

## 4

*Gotiya Sigunyaviyarina yilaaya ya'nerinesi.*

<sup>1</sup> Sa' mena kya' sagaa', yithaanyi, Sigunyav+ kaadihita pir+! bas+nadaata yadis+ n+mi t+inna wangamwe!. Yi maangw+raaya daza' sinnaw+ n+mi kadika w+!ne sa' pihul+ya'bi' jaka di+wa!. Dahaa' sa' dara ny+di+van+! "Munya davanna jilaama! Giminy+ yuya di+vidaa'ny+ y+ma'nadenna givwar+daakudeiny+." <sup>2</sup> Yi y+me'nya'bi' n+mi+ny+ Kurya Tewaanyai diragin+na bulamwaaina ny+wa!. Yithaanyi, Sigunyav+ saba king+namwaaly+ta pir+! daa'di'ny+ya' t+inna wanganna. Nabaai pwai yuyaraav+ maremwaalya'nei namwaaly+ta dazav+ y+lamwaaid+ny+ wanganna. <sup>3</sup> Sahwai sila naw+nyai baake' y+idada sila naw+'nya wayaakei baaka y+idadaa'ny+yabaaib+saly+. King+namwaaly+sav+ byaaw+la pir+! yagi'ma'n+ker+ sila naw+'nya y+juzai baaka y+idadei t+inna wanganna y+wely+. <sup>4</sup> King+namwaaly+ta dazayaba king+namwaaly+ta p+ini yagi'ma'nata yad+'ny+ wanganna. Namwaaly+ta tiwedipoya sang+ a'mwe naanga tiwedipoyara mwaal+na. Sahwara baaz+'ma'nya yaake baaz+'ma'nevera. Yi king+mwaaih+'nya goliya kum+re m+nyag+nyang+ k+in+nnakera. <sup>5</sup> Yi king+namwaaly+sav+daa'ny+ y+nam+raasav+re di'baake mwasabi' li+vapi+na yaka purinya y+nn+na, y+ pa'da y+nn+na, y+ y+munya pil+na. Nabaai king+namwaaly+ta dazav+ sinny+ki di'baaka ata pur+daa'ny+ pwaraalya di+ka y+da'ny+na. Di'baaka

daza sa Gotiyare Kurya ata puridaa'nyĩ pwaraalyarera. <sup>6</sup> Yi kinginamwaalyisavire kusimagi naanga saalaalya'bisai' warĩ'. Daza' yi sinimwavanakurika naangebisa', yi wana giri'maaya nebulya'nanya' sijujaaka sirimya'bisasi.

Yi tinnyaba namwaalyisavi daraai daraala gaala kininnakera daavina. Yi sahvara kinginamwaalyita dazavi dakwagi'maveva yi daavina. Daraai daraala dazara gaala mwaaleva kumire tinna kwalaalya kininnakeraavi kusimaginyaviji dusimaginyaviji yunewinna bwakuke. <sup>7</sup> Gaala kininnaka aaya mudi'nanyai yi sai laayonyaibisai. Yi sahvari yawidaasi gaala kininnakei yi sai bulmakaawoya kwalyaibisai. Yi sahvari yawidaasi gaala kininnakei sai a'mwere sinnya'bisai' kininnakei. Yi sahvari yawidaasi gaala kininnakei yi sai bwaangya pwai pilavamaryadaa'nyiyaibisai.

<sup>8</sup> Daraai daraala gaala kininnaka dazarajiya gazaizai piya ata puridaa'nyĩ pwainanya kininnakelyi. Yi tinna kwalaalya yunewinna mwasimagiji kuta kimagiji bwamwaihukera. Yi yirikevijĩ sawisaviji sahvara daata dara dadivisare:

“Naangei, Gotiya Diraginya Yuya Kininnakei Giri'maayalyi. Giri'maayalyi. Giri'maayalyi. Tewaanyalyi. Tewaanyalyi. Tewaanyalyi.

Gaminyi jaanna marinawaadelyi.

'Gimi gaveiginyi. Nemi'bitaigi mi'.'

Sinnawi kigaa' sai mwalyaakelyi.

Yi dahaa' sai mwaali'.

Yi nabaai sai yima'naabathelyi.”

Sahwara yagaala daza' ja'na kwadika mudivitara mi'.<sup>9</sup> Gaala kininnaka dazara yilaaya yadivisare. Gotiyare kinginamwaalyisavi mwaaida yi yuyagaa' yuyagaa' gaala mwaaideri yilaaya yadivisare. Yi sahvara sahwari byaanna diraginiya' wiadivi' sahwari ne yaya' munyaba makidivi' yi "Su! Su!" widipi'dere. Yi yuyagaa' gaala kininnaka dazara sara kyapiji<sup>10</sup> yi a'mwe naanga (24) tiwedipoyara dazara Gotiyaryaba kinginamwaalyisavi mwaalikere sinnyiki kwaakewi walamwaaibi'dere. Yi sahwai yuyagaa' yuyagaa' gaala mwaaideri na sahvara lotuya yadivisare. Sahwara yawi'na "Nemire maremwaalya'nebwi gamiresira," kumire kingimwaaihi'nya goliya livaradivi' kinginamwaalyisavire gidikusaba wala'dengi. Sara yapiji yi daata dara dipi'dere:

<sup>11</sup> "Nemire Naangeigi, nemire Gotiyaigi!

A'mwe yuyara giminyina yilaaya gya'neigi

Gimi saigi yiniga wi'na nebulya'nanyaiginyi.

Yi byaanna diraginyabwi gizaaya'na nawi'nyasi.

Yi giminne yaya' munyaba makilya'naji

Yi gimi diraginyabwi limwaga'dinne'naji  
nawi'nyasi.

Sa' darevinyi. Gimi yuya wakyeiginyi.

Yune gimire simunyaburina kwakye  
yima'nyaakeigi.

Gimire simunyavidaa'nyi yuya daza warikengi.  
Mwaaihasangi."

## 5

*Jonĩ bukuya pĩrĩ' mena pigĩ'mwagakesavi  
tĩnna wanganake'nesĩ.*

<sup>1</sup> Yĩ kingĩnamwaalyĩsavi mwaaidĩ'nyiyare aangasĩrĩ nĩmĩ bukuya pwi tĩnna wangamwa. Si pĩkarya kĩnĩnnake' kusawĩjĩ mwasĩmagĩjĩ. Yĩ murĩtavayĩ'bwa'nĩka ata purĩdaa'nyĩ pwaraalya kĩnĩnnaki. Yĩ yaasĩwa'nanyai marĩlaaya'na sara murĩtavayĩ'bwa'nĩkilyĩ. <sup>2</sup> Nĩmĩ ejeliya dĩragĩnnaka pwarĩ tĩnna wangamwa. Sai gannya maangwĩraayavi jaka naangave'na dara dĩwa' "A'mwe tewaanyai bukuya dĩrĩ yĩnĩga wi'na tĩlaaya'nebwi kĩnĩnnakei aaihwalaaka? Tewaanyai dĩragĩnnakei bukuya dĩrĩ pwi yĩnĩka dĩrĩ yesĩvalasĩsa' ya'na aaihwalaaka?" <sup>3</sup> Kĩrĩ' sasarei aane pwai kwai mĩ'. Sĩgunyavi mwaalĩkei aane pwai kwai mĩ'. Kwaakevakĩ mwaalĩkei aane pwai kwai mĩ'. Kwaakevĩ amwihi wĩlarĩkei aane pwai kwai mĩ'. Yĩnĩga wi'na tĩlaayojĩ bukuya sĩrĩ kusawĩ ja'na tĩnna wanganannei aane pwai kwai mĩ'. Arikewĩ. <sup>4</sup> Sarajĩya a'mwe pwarĩ mabĩramaari. Bukuya si tĩlaayojĩ kusawĩ tĩnna wanganannei tewaanyari mabĩramariwaasa'na yĩ nĩmĩ kĩnna kwalaalya dĩwa. <sup>5</sup> Kĩnna dadaazi a'mwe naangerajĩya pwai nyĩdĩwa' "Gĩmĩ kĩnna kuna madĩnnera! Yĩthaa! Laayonĩyai Juthare yĩta savaakĩyai Ne Devitĩmĩre yĩta savaakĩdaasai, yĩsare pwipulyavi kwaraka yĩdevaaibĩ' sara yĩma'nakei sai malya' wavĩlavakelyĩ. Sarevi yĩ sai bukuya si tĩlaaya'nei murĩtavayĩ'bwata ata purĩdaa'nyĩ saraala marapyasĩbwarakya'na

yiniga wi'na yannelyi.” <sup>6</sup> Sara kanyidiwa' nini Sipizipiya Diwinyari tinna wangamwa. Sahwai kinginamwaalyisavi gaala kininnaka daraai daraala dazaraayabaji a'mwe naanga dazaraayabaji tinnyaba daavina. Saba sai mena tamakesai ayina dikaa'nikabaai daa'di'nyi wangamwa. Gamire minyaginyavi a'ba saanya diraginnaka ata puridaa'nyi pwaraalya kininnakei. Nabaai tinna ata puridaa'nyi pwaraalyara kininnakei. Yi tinna dazara yi Gotiyare Kurya ata puridaa'nyi pwaraalyarera. Gotiyai kwaaka yuyawi yunewinna maryaasakere. Sipizipiya sasareri tinna wangamwa.

<sup>7</sup> Sipizipiya Diwinya dazai wawaka kinginamwaalyisavi mwaalikere aangasiri bukuya daza' ma'mwaawi'. <sup>8</sup> Bukuya mi'na kama'mwaawi' sagaa' gaala kininnaka daraai daraala dazaraji a'mwe naanga tiwedipoya dazaraji Sipizipiya Diwinyaryaba gidikusaba kwaakewi wala'na. Sahwarajiya gazaizai piradazab+sasi diziya goliya piri'ni kininnakelyi. Yi diziya dazangi jitrinya yiravayihwia'ne' yunebanna wilarikengi. Wabatirinya daza' Gotiyare a'mwe tewaanyara Gotiyari widadivisangira. <sup>9</sup> Yi sahwaru daata mudika piri'ni dara diwaa':

“Bukuya daza' gimini maarya'neigi  
Savire muritavayibwasa mara-  
pyasibwarakya'neigi

Yi yiniga wi'na nebulya'nanyaiginyi.  
Sare' dare'nanyi. A'mwera giramesaiginyi.  
Sasareigire tawevi a'mweraavi mubahi.

Sahwara Gotiyarına wijaaya'neraavî gîmî.  
Yîta gazavaasavaakiyaraavîjî yagaala ge  
gejîyaraavîjî

A'mwe kîlaaka dala nabinabinyajîyaraavîjî  
Ajîmya yuyangîya gazasavîyaraavîjî  
mubamaaragî.

<sup>10</sup> Nemîre Gotiyarına maremwaaidîsaraavî  
wîmwaaihadî

Wîdaaya'nera Gotiyarına yîra'dîvîsaraavî  
wîmwaaihagî.

Sahwara Kwaaka yuyavakiyaraavî  
maremwaai'bî'derera.”

<sup>11</sup> Nabaai nîmî wangadî ejeliya kwalaal-  
yaraavîre maangwîraaya' kadîka wî'nîwa.  
Sahwara kingînamwaalyîsavîjî gaala  
kînînnakeraayabajî a'mwe naangeraayabajî  
gîhîpaledaa'na. Sahwara kwalaalya kwalaalyara  
mwaaiha'. Yî miliyonî miliyonîyarajî taawîzanî  
taawîzanîyarajî kwalaalya naanga naangera  
mwaaihasare. <sup>12</sup> Sahwara jaka dîragînna dara  
dîwaa':

“Sipîzipîya Dîwînya dazarî tamakesalyî.

Sai nawî'nya maarya'nei yînîga wî'nanyalyî.

Yî dazangî yîlaaya maarannei yîda'nanyalyî.

Dîragînna maremwaalya'nebulyî  
gîlyîvîkîravînakebulyî

Sîdu'nakebulyî dîragînya naangebulyî  
gamîrengî.

Gamînne yaya' munyaba makîlya'najî

Byaanna dîragînya' yîlaaya' wîjaaya'najî

'Su! Su!' wîja'najî tewaanya'nelyî.

Yî sahwai gavei yînîga nebulya'nanyalyî.”



13 Yi nĩmĩ Gotiyai yuya wakyaaka kwaraavĩ kadĩka wĩ'nĩwe'. Yi Sĩgunyavĩ mwaihasaraavĩjĩ yĩ Kwaakevakĩ mwaihasaraavĩjĩ yĩ kwaakevĩ amwihi wĩlakasaraavĩjĩ yĩ saalaalyavĩ wĩlamwaihasaraavĩjĩ, yo, yuya sabanyaavĩ wĩlamwaihata kwaraavĩ wĩ'nĩwe'. Sahwara dara dĩwaa':

“Kingĩnamwaalyĩta savĩ mwaalĩkelyĩ

Sipĩzipĩya Dĩwĩnyai kwalyĩ

Saraai nawĩ'nyai yuyabwi maarika!

Yi su suyaji yaya makĩlyabulyĩ

Byaanna dĩragĩnyabulyĩ dĩragĩnnakebulyĩ

Saraarĩ nawĩ'nyai dazabwi kuna warana!

Yuyagaa' yuyagaa' kuna warĩbainana!”

14 Sara kadĩwaa' gaala kĩnĩnnaka daraai daraala dazara yĩ dara dĩwaa' “Yi sahirĩsi. Nebula naangesi.” Yi a'mwe naangera kwaakewĩ walaruta'neva yĩ lotuya yĩvanĩga'. Yĩlaaya wivanĩga'.

## 6

*Sipĩzipĩya Dĩwĩnyai bukuyavĩre  
murĩtavayĩ'bwarake marapyasĩ'bwarakake'nesi.*

1 Sipĩzipĩya Dĩwĩnyai bukuyavĩre  
murĩtavayĩ'bwaraka ata purĩdaa'nyĩ  
pwaraalyangĩ aaya mudĩ'nanyai mara-  
pyasĩ'bwarakĩna yadaa'nyĩ yĩ nĩmĩ tĩnna  
wangamwa. Sipĩzipĩya Dĩwĩnyai mara-  
pyasĩ'bwarakĩna kyĩwa' gaala kĩnĩnnaka  
daraai daraalyaraavĩdaa'nyĩ pwai yĩ sĩgunyavĩ  
yĩ'munya pidevaabĩ' gamĩre maangwĩraaya'  
jaka naanga dĩna “Kaaja!” 2 Yi nĩmĩ tĩnna  
ayahi wanganna. Yĩthaanyi, ozĩya yaaka pwarĩ

tinna wangamwa. Yi a'mwei yilamwaaidi'nyi mwaryaginiysi limwamwakei. Sahwari'na kingimwaaih'i'nya pir'i' wijawaasa' malyavi wavilaya'ne'. Yi sai mala kwalaalya wavilaya'nei wawoka "Mala'na wavilavima!" daka wina yiwa'.

<sup>3</sup> Diwinyai wila ata puridaa'nyi pwaraalya ayawidaasi bukuyavi pwiynike' pyaasibwa'na kyiwa' nimi kadika wi'nyina. Yi gaala kininnaka ayawidaasai dina "Kaaja!" <sup>4</sup> Yi oziya pwai yi'mavaabina. Sai wayaakei. A'mwei oziya dazari yilamwaaidi'nyiyarina diraginyabwi wijawaasai. Sahwai diraginya sabwi maaraka tewaanyagaa' yi naryagaa' yiniga marasi'nya'nelyi. "A'mwe Kwaakevakiyara tamakinipika!" daka sara yiwa'. Sarevi yi sarina kwaari'masiraminya naanga pir'i' wijawaasa' wawinya dazahir'i' ya'ne'.

<sup>5</sup> Diwinyai wila ayawidaasa' bukuyavi pwiynike' pyaasibwa'na kyiwa' yi nimi kadika wi'nyina. Gaala kininnaka ayawidaasai dina "Kaaja!" Yithaanyi, nimi oziya dikwaagila pwaritinna wanganna. Yi a'mwe yilamwaalakei gamire asiri sikeliya pir'i' tika nya'ne maraya'ne' limwamwa'. <sup>6</sup> Yi gaala kininnaka daraai daraalyara mwaaihata saraavi tinnyaba maangwiraaya'bi' nimi kadika wi'nyina. Yi maangwiraaya daza' dara dina "Mijikegaakira. Maalitaaya witaama'gula pwarit nigwia yune paaivi kinaayavine'na (yirika gavevi wawinya ya'ne nigwia') gimisikeliya dimarayi! Yi maalitaaya maatika daraai dalyangit baaliya (witiyabi') nigwia yune paaivi kinaayavine'na

sikeliya di marayi! Aawapaaya wigainajahaa' kiri' welivananya yidike'nesi waainiyasi kayaaka migalakinna!"

<sup>7</sup> Yi Diwinyai wila bukuyavi pwiyinike' dawaai dawaalya' pyaasibwa'na kyiwa' yi nimi kadika wi'nyina. Yi gaala kininnaka daraai daraalyai aayai sare maangwiraaya' dina "Kaaja!" <sup>8</sup> Sara kyiwa' nimi ayahi tinna wanganna. Yithaanyi, oziya nabalikilaa'naka pwaro wanganna. Yi, sari yilamwaalikeri gaminne yaya' "Baryabulyiyala." Yi sahwari Bainikeraayabanya' mijamaridi'nyiyasi. A'mwe yuyavakaavi Gotiyai marajaapaina yaka dina "Diraginya dare' yihizaawa. Yuyawi a'mwe daraai dalyaraavi tamyivainyina yakiri a'mwe gave pwaro diramaki! Gazawizawi a'mwe daraai dalyaraavi tamyivainyina, gave pwaro tamakina. Sana sana jidewaaihilyi. Yi sare'ne diraginya' kihizaava'muji yi pwaraavi kwaari'masiraminyasi tamakina, yi pwaraavi mijika naangesi tamakina, yi pwaraavi nalaaya nabinabinyaji tamakina, yi pwaraavi laayoniyaraji sigyaaryaraji dawakina jidewaaihilyi."

<sup>9</sup> Yi Diwinyai atilya' wila bukuyavi pwiyinike' pyaasibwa'na kyiwa' yi nimi tinna wanganna. A'mwe bainika pwaraavire kuryara Gotiyare kwaraanyaba kwaakewi mwaaidapiyaraavi wanganna. Sinnawi a'mwe dazara Gotiyare yagaalya' diraginna limwagaresare. Yi sara yadivi' yagaala daza' jalikurakesare. Sare'na sahwaraavi Gotiyare yikamaangera tamakina yesare. <sup>10</sup> Kurya

dazara maangwiraaya jaka diraginna dara diwaa' "Kingiya Naangeigi yuyangineigi gimini nawi'nya mwaaihi. Girika maayaigi. Yi gimire sabwi yi nebulya'na yunewinnanyasi. Sareigi, mena gatha'daregaa' kyiwawoji gimini kotiya' a'mwe Kwaakevaki mwaaihasaraavi jitheigina'? Yi sahwaravini nemire tawenna gathingaa' diriviki'deigina'?" <sup>11</sup> Sara dina kyiwaa' Gotiyai gazarinazarina baazi'ma'nya yaake' saaminya' wijaavina. Yi wijaavina yaka sahwaravini widina "Sarimi maalikegaa' kave kwaamu' dimwaalyi! Divi yikamaangera sarimire avaiyaasiwa'wawinyaraavi, sitya'mweraavi tamakipi'dere. Yi yihiramaketabaabi' tamakipi'dehaa'nanyi. Yi nimi yawi'na yage yunegaa'nera yiniga sara baibi'dehaa' yi nabaai sarimire tawejina'na tivikiri'deinyi."

<sup>12</sup> Diwinyai wila ata puridaa'nyi dalya' bukuyavi pwiyinike' pyasibwa'daa'nyi nini tinna ayahi wanganna. Kwaakevaki wininya naange' kyima'ninwa' tinna wanganna. Yi nyilyai tinga naange' yima'nyina. Sai yirika mavuri. Yi lawei yuya wayaaka tawe'bisa' yima'nyina. <sup>13</sup> Sigunyaviya silingaaminya sa kwaakebanna bwala'na. Yisila yita pihiyare mya milyadi'nyi yihuta naange' puraki'daa'nyi bwala'daawadevaabi' kwaakebanna bwala'na. <sup>14</sup> Sigunya kirisi sa' mena wina. Yi lamulyi' pwalagi'mwadivi' wakadivitabaabi' sigunya' gi'mwanniwake' yimaanyina. Yi yuya mugunyaji ahu'mannyaji kumire wa'divisaba yagalya'ma'na, yi sangina ginyimwaaina yiwaa'. <sup>15</sup> Yi kingiya

Kwaakevakiyaraji yì maremwaaidivisaraji yì mala aawilasaraavi maremwaala naangeraji yì a'mwe nigwihiravinakeraji yì a'mwe diraginaangeraji yì yaasiwa'wawinya widaayadivita gazarazaraji yì pwara kumire wawinya yadivita gazarazaraji yuya sahvara Kwaakevakiya situsangi lika yulyaramaripi'dere. Yi sila mugunya naangengi kusawi lika wilapi'dere. <sup>16</sup> Yi sahvara yuya mugunyaji silaangeji jaka dara diwaasare “We! Sarimì niminyi a'badaa'nyi jilanyilabwaraama! Gotiyare sinnyiki, kinginamwaalyisavi mwaalikereji yì Diwinyare sinna tikeviji lika dimaraneyulakya! <sup>17</sup> Sare' dare'nanyi. Yirika naanga dazaraare dazagaa' yì similika wiladehaaki. Kayaa'nanya' tivikiryane' dahaa' sa' mena yima'niwa'. Sarevidaa'nyi yiniga aaihwai daavoji yì daza' wavilavadelaka! Aawa.”

## 7

*Yizireliya kwala naanga (144,000) sara Gotiyare dahilakinike' maaresa'nesi.*

<sup>1</sup> Sa' mena kyiwa' Kwaakeviya tivimaginya dawaai dawaalyaba ejeliya daraai daraalyara daa'dapi nimi tinna wanganna. Sahvara Kwaakevakiya yihuta dawaai dawaalya diraginna limwaga'na. “Dahaa' yihuta sa yihu'maanarya Kwaakevakiji saalaalyaviji yita gazarizariji nyadika!” deva diraginna limwaga'na. <sup>2</sup> Yi ejeliya pwai nyilyai bilyiri'dimagi yidawadaa'nyiyari nimi tinna wanganna. Ejeliya sai Gotiya gaala mwaalikere

yavikwajike' limwagaka yi sai maangwiraaya  
jaka diraginna naanga'na dina. Yi ejeliya  
daraai daraala dazaraavina Gotiyai diraginya'  
wijaavakera kwaakesi saalaalyasi kayaaka  
yigalakya'neraavi yi sahwaravi jaka dina. <sup>3</sup> Yi  
jaka dara diwa' "Sarimi dahaa' Kwaakevasi  
saalaalyasi yisaraji kayaaka yime'nya'bi'  
migalakipina! Nemi nemire Gotiyare  
yaasiwa'wawinyaraavire yamengi gamire  
yavikwajika pikarya yaadehaa'nanyi. Sara  
kyawaaji sarimi sahwaravi migalaki yapiji  
gave pwaraavi jihalakyideihilyi." <sup>4</sup> Yi a'mwe  
yavikwajika pikarya' ma'mwaasaraavine ata  
dahilya' kanyidiwa' nimi kadika wi'nawe'.  
A'mwe sahwaravi pikarya wakiwaka kwala  
naanga (144,000) sara. Yi Yizireliyaraavi yita  
gazavaasavaakiya pwara yavikwajika pikarya  
ma'mwaasara. <sup>5</sup> Yi Juthare yisavaakiyara  
kwalaalyara (12,000) pikarya ma'mwaasara. Yi  
Ruvenimire yisavaakiyara 12,000. Yi Gaatimire  
yisavaakiyara 12,000. <sup>6</sup> Yi Aazare yisavaakiyara  
12,000. Yi Napitalaare yisavaakiyara 12,000.  
Yi Manaazare yisavaakiyara 12,000. <sup>7</sup> Yi  
Simiyonimire yisavaakiyara 12,000. Yi  
Livaayare yisavaakiyara 12,000. Yi Yizakaamire  
yisavaakiyara 12,000. <sup>8</sup> Yi Sevyulanimire  
yisavaakiyara 12,000. Yi Jozepiyare  
yisavaakiyara 12,000. Yi Bejaminimire  
yisavaakiyara 12,000. A'mwe dazara yi Gotiyare  
yavikwajika pikarya' ma'mwaasare.

*A'mwe kwalaalya naangera baazi'ma'nya  
yaake baazi'ma'nikeraavines.*

9 Yuya daza mena kya', yithaanyi,  
 a'mwe kwalaalya naanga naangera  
 yi'bwa'nemwaaidapi nimi tinna wanganna. Yi  
 kuminyi a'mwei ata yiniga wi'na gilanneraavina  
 mi'. A'mwe dazara ajimya yuyangiya gaza-  
 saviyaraayawiji yita gazavaasavaasiyaraayawiji  
 kilaaka nabinabinyajiyaraayawiji yagaala ge  
 gejiyaraayawiji yi sahibadaasare. Sahwara  
 kinginamwaalyisavire sinnyikiji Diwinya  
 Sipizipiyare sinnyikiji daavina. Baazi'ma'nya  
 yaaka saamigwazaaya wakevera yi kumire  
 asiraavi maimunyarabi'ne limwageva  
 10 maangwiraaya naange' jaka diraginna dara  
 diwaa' "Nemire Gotiyai sai kinginamwaalyisavi  
 mwaalikelyi yi Sipizipiya Diwinyalyi  
 saraai mena nevadaihasama'mwaalyaraalyi.  
 Naangebula!" 11 Yi ejeliya yuyara  
 kinginamwaalyisaviji a'mwe naangeraayawiji  
 gaala kininnaka daraai daraalyaraayawiji  
 daaveva yunewinna bathakulaawesare. Yi  
 sahwara kinginamwaalyisayaba gidikusaba  
 kumire sinnyi' kwaakewi walaruta'nareva  
 Gotiyari lotuya'na yilaaya yiwaa'. 12 Sahwara  
 dara dina:  
 "Sahirisi. Nebula naangesi.  
 Nemire Gotiyari yilaayabwi wiaana!  
 Byaanna diraginnya' kuna warana!  
 Sidu'nakeburi aaya kaavilyala!  
 'Su! Su!' widaana!  
 Gaminne yaya' munyaba makilaana!  
 Diraginna maremwaalya'nebulyi diraginnya  
 naangebulyi  
 Yi sahwarebwi kuna kuna warana!

Yuyagaa' yuyagaa' dazabura waragwona!  
Sahir+isi. Nebula naangesi!”

<sup>13</sup> A'mwe naangerajiya pwai ja'nanyidiwa'  
“A'mwe baazi'ma'nya yaaka saami'gwazaaya  
yira'neve dazara aai'waravaavaka? A'mwe  
saraavi jawi'mwaa gawidaa'nyara?” <sup>14</sup> Sara  
kanyidiwa' “Ni'mire naangeigi, bewara dingaka!  
Nimi myawiriwa. Saigi yawi'manigi.” Yi sai  
nyidiwa' “A'mwe dazara yikamaangeraavi  
taanginya naangeji daangeji maare!. Yi  
taanginya naanga savidaasare. Yi kumire  
baazi'ma'nya Diwinyare tawevi aalya  
yesa'nanyi. Sarevi baazi'ma'nya daza yaaka  
wanyina ya!. <sup>15</sup> Sarevidaa'nyi sahvara  
Gotiyare kinginamwaalyisavi kusimagi  
daa'divisare.

Nyilyaviji sawisaviji lotuya yadivisare.

Gamire anga nawinyavi sara yadivisare.

Kinginamwaalyisavi mwaaidei  
ye'mwannamwaaloji

Yi sahvaraavi maredaa'da kimata  
bwakedaavadelyi.

<sup>16</sup> Sahvara mijika ayahi yipi'dera mi'.

Nabaai aalya'na ayahi baibi'dera mi'.

Nyilyai mala tamya'ne'bi' diraginna widathera  
mi'.

Dika naanga gazasa' daanga wi'dathera mi'.

<sup>17</sup> Dare' nanyi. Diwinya Sipizipiyai  
wimaremwaaladelyi.

Kinginamwaalyisayaba kumire maremwaalyai  
mwaaladei.

Sahvaraavi aaliyiminya nawinya yirijava wib-  
waridaakwadelyi.



Aalya gaala kininnake' nya'neraavi makwa-  
wodei.

Nabaai Gotiyai kumire tinniyaraavi  
yimwagathelyi.

Kidalaalya gazasa' yaalika kave yimwagathei.

Yi sahwarina kinna ayahi dipi'dera mi'."

## 8

*Bukuyavi pwiynika wila ata puridaa'nyi  
pwaraalya' marapyasibwarake'nesi.*

<sup>1</sup> Sipizipiya Diwinyai wilya' bukuyavi  
pwiynike' ata puridaa'nyi pwaraalya' mena  
marapyasibwa'mwa'. Yi Sigunyavi saba yagaala  
maayawi kuna yada nyitaka pimaginiya'bi'  
(aapi-aawaaya sagaa') wavila'na yiwa'.

<sup>2</sup> Wavila'na kyiwa' ejeliya ata puridaa'nyi  
pwaraalyara Gotiyare sinnyiki daa'dapi nimi  
tinna wanganna. Yi sahwaravina pihuliyaya  
ata puridaa'nyi pwaraalya wijaavina yiwa'.

<sup>3</sup> Yi ejeliya pwai Gotiyare kwaraanyaba  
gidikusaba buladaa'na. Yi sai maa'gula  
goluya' wabatirinya yiravayihwia'ne'  
limwagakei. Sahwarina paawiraayana  
kwalaalya wabatirinya yiravayihwia'ne'  
wijaawakei sai a'mwe Gotiyare tewaanyaraavire  
wija Gotiyarineji mari'bwarakya ya'nei. Yi  
sahwai kinginamwaalyisavi kusimaginya  
dibinya goluya warika dazavi Gotiyarina  
wija Gotiyarina wijaaya'bisaji wabatirinya'  
mari'bwarakya ya'nei.

<sup>4</sup> Yi paawiraaya  
dazangire jita wabatirinyasi Gotiyare  
tewaanyaraavire gaminyi wija yagaalyaji

ejeliyare asiri limwagakev+daa'nyi yilaawaka munyaba Gotiyare sinnyiki yima'mwakengi. <sup>5</sup> Sara yaka sai yikunaab+thi'maa'gulya' maaraka dike' yi dikwaraka kwaraanyaba maaraka yi maa'gulyav+ maradi'gwalaka yi sai dike' livaramwake' Kwaakevak+na waimwaawi'. Sai mena kalivaramwa' yi sagaa' yimunya pilina, purinya yinnyina, yinamiraasav+re di'baake mwasabi' livap+na, yi sagaa' Kwaakeva' win+nya yina yakengi.

*Ejeliyara pihuliya makuresa'nesi.*

<sup>6</sup> Ejeliya ata pur+daa'nyi pwaraala dazara pihuliya ata pur+daa'nyi pwaraala daza limwagarevera pihuliya pwa'nyi makusa'na yavada'galayov+ravalimwanna yiwaa'. <sup>7</sup> Yi ejeliya aaya mudinanyai gamire pihuliya' pwa'nyi maku'na ky+wa' sir+myasi dikesi tawe ye'mwannay+ma'naabi'na yaka Kwaakevak+na walaraaw+na y+wa'. Kwaaka yuyangi dawaai dasimagi jaapaina yinikeba dawaalyaba tewaanya wa'di'nyi piba saba dike' nyina. Nabaai yita yuyaraavi dawaai dasimagi jaapaina yinikeba dawaalyaba tewaanya wa'di'nyi piba saba dike' nyina. Yi kurivaariya yuyangi yi sa kiningiji dike' baihinyina y+wa'. <sup>8</sup> Yi ejeliya ayaw+daasai (2) gamire pihuliya' pwa'nyi maku'na ky+wa' mugunya naange' nadaasiya'bisa' di'ka naange' saalaalyav+na walaraaw+na. Yi saalaalya dawaai dasimaginya jaapaina yinika davanyaai tewaanya wa'di'nyi pimaginyavaa' tawe' yima'nyina. <sup>9</sup> Saalaalyavi gaala mwaahasaraavi maralig+si+vaina yinika

dawaai dasimaginya yima'nyina ky+wa' y+ pimaginya p+vaa' mena balina y+wa'. Y+ sip+yangina maralig+sivainika dawaai dasimaginya yima'nyina ky+wa' y+ sipiya pimaginya p+vaa' kayaaka mena y+nyina y+wa'. <sup>10</sup> Y+ ejeliya ayaw+daasa pwai daraai dalyai (3) gam+re pihuliya' pwa'ny+ maku'na ky+wa' silingaam+nya naanga p+r+ d+baake' wana d+ka nebulya'b+ y+d+wake' y+ sa' sigunyav+ y+lamakwasaawaka y+ bwala'na. Aalya yuyang+ji aaliy+m+nya yuyang+ji sang+ dawaai dasimaginya maralig+sivainika davanyaai wa'di'ny+ aalya pimaginya p+ning+ silingaam+nya' bwala'na. <sup>11</sup> Silingaam+nya dazav+ne yaya' dara wo'n+ke' "Y+ri+ke'. Kayaakuryava." Aalya yuyang+ pimaginya savaa' y+ri+ke' yima'nyina y+wa'. A'mwe kwalaalyara aalya daza' neva y+ aalya' kum+re muny+ki d+ka kubaihinn+wa' y+ sahvara mena baimwaa'. <sup>12</sup> Y+ ejeliya ayaw+daasa pwai daraai daraalyai (4) gam+re pihuliya' pwa'ny+ kamaku'mwa' y+ nabaai ny+lyar+ji lawer+ji yuya silingaam+nyang+ji tam+na yaka y+ ny+lyare dawaai dasimag+daasa pimagi y+galak+na. Y+ lawere dawaai dasimag+daasa pimagi y+galak+na. Y+ silingaam+nyang+ dawaai dasimag+daasa pimagi y+galak+na. Sarev+daa'ny+ kum+re baaka pade dahasaai nayaa wa'di'ny+ baaka pade pimaginya' j+h+nya ya'na y+na. Y+ ny+lyai y+ri+kev+ dahasaalyagaa' naangegaa' (2) nayaa pur+na yada y+ri+kev+ maal+kegaa' (1) mavuri. Y+ nabaai saw+ta pimaginya' sara mavuri y+wa'.

13 Yi bwaangya naanga pwai sigunyav+ tinnyaba pilavamaryadaa'nyi+ n+mi+ tinna wanganna. Yi n+mi+ kadika w+ny+na yadaazi sai maangw+raaya jaka diraginna dara dina “We! We! We! A'mwe Kwaakevaki mwaaihata kemwaraav+na dahasaai dahaa' kale ny+wa'. Ejeliya daraai dala pwara pihul+ya pwa'nyi+ kamakurapi yi nabaai taanginya naange' sahwarav+ y+ma'nadesi.”

## 9

1 Yi ejeliya atilyai (5) gam+re pihul+ya' pwa'nyi+ kamaku'mwa' sil+ngaam+nya pwai Sigunyav+daa'nyi+ Kwaakevak+na mena bwala'mwakeri+ n+mi+ tinna wanganna. Yi tinna kuna wanganna yadaazi sahwar+na kiya' w+jaav+na. Kiya daza' y+ror+la yune kewew+ni+ y+ni+gwalaawaka yi daanga maaya dazav+ne tikurya' baasa'nesi. 2 Sai y+ror+lyav+ tikurya daza' kabaas+wa' yi y+ror+lyav+daa'nyi+ j+sa' y+li+na. Saaid+ka naangev+re j+ta sa'b+! y+li+na yaka ny+lyar+ji+ y+husavaak+ji+ galab+!j+!na ky+wa' yi ny+lyaly+ y+husasi+ jih+nya y+ma'ny+na y+wa'. 3 Jih+nya y+ma'ny+na yadaa'nyi+ j+ta sav+daa'nyi+ baar+nn+yara y+ma'naab+na yeva yi Kwaakevak+na walaaw+na y+waa'. Yi sahwar+na diragin+ya' diraavalyare diragin+ya'bi' maar+na. Yi Kwaakevak+ya diraavalyara a'mweraav+ kayaaka y+gaid+v+tabaaibi' kayaa'na ya'ne diragin+ya' maar+na y+waa'. 4 Maar+na yeva yagaalya' dara maar+na “Sar+mi+ kur+vaari+yang+ji+ Kwaakevaki dala pin+inna pin+innanya y+i+'nade sang+ji+ y+ta

gazarizariji kayaaka migalakipina! Aawa. A'mwe Gotiyare yavikwajika pikarya' kumire yamengi maayaraavi yi dazaraavi kayaaka nayaa jihalakyi! <sup>5</sup> Sarimi a'mwe dazahwaraavi daanga naanga jiwagiyidere. Kuna yiwopi ji yune lawe atinanyangina. Kiri' sahwaravi tamakya mipina!" Yi baarina dazara a'mweraavina daanga kayaa'nanya' wijaavadivisara. Yirivaburyara a'mweraavi tika da'divi' daanga wijaavadivitabaabi' wijaavina. <sup>6</sup> Yi daanga dazagaa' a'mwera balya ya'ne tusa'na bi'divi' kiri' sahwaratina mwanganyadivisare. Arikawi. Sahwara "Balaana!" kuna yawi'divisare. Kiri' baryabwi sahwaravi likaanya wodesi.

<sup>7</sup> Baarina dazara oziyara mala ya'neraayawinnera yawimwavedaa'divitabaabisare. Kumire minyaginyangi kingimwaaihi'nya goliyabisa yilarikera. Yi kumire sinnyi' a'mwere sinnyi'bis'i. <sup>8</sup> Yi kumire mijasa saaminaange, a'mwe kiningire mijasabisa. Yi kumire maangerika kavijilikere maangebisa, yi laayonyare saanyabisa. <sup>9</sup> Kumire kihisangi baazi'ma'nya kaapaayabisa saabya' maredaa'nikengi. Yi kumire piya kaariziya kwalaalyabi' oziyara mwagi'namakwodaapi mala'nera pa'da pa'da yinnadevaabi' worryaraavire piyangi pa'da pa'da yinikesi. <sup>10</sup> Kumire suyarika yirivaburyaraavirebaabisarika. Yi suyariki kumire langeri' kwaaminya daanga wijaaya'ne' kininnakeri' wari'. Nabaai kumire langerikaji daanga naanga daza' a'mweraavi kayaaka

yigalya'nera. Sahwara daanga naanga daza' wijaaya'ne diraginya' yune lawe atinanyangina maa'nikere. <sup>11</sup> Kuminyi munyaba kumire maremwaaidei yi sai yirorila yune kewewini yingwalaawika yi daanga maayaviya ejeliyalyi. Sarere yaya' Yiviruyagaalyavi Aavathoni, yi Girikyagaalyavi Aapoliyoni. Yayavi aaya kaavilyasi, “Yuyangi Kayaaka Yigalakadei.”

<sup>12</sup> Sinnawinya' taanginya naange' sa' menanyi. We' sinnawinya daza' menanyi. Yithaanyi, taanginya pirawaai dividaa'nyi yima'naabathewaai kuna waril'.

<sup>13</sup> Yi ejeliya ata puridaa'nyi pwai (6) gamire pihuliya' pwa'nyi kamaku'mwa' Gotiyare sinnyiki dibinya goliyavi saanya dawaai dawaalyaba tinnyaba maangwiraaya piri' dina. Sa' dina yadaa'nyi nimi kadika wi'nawe'. <sup>14</sup> Yi maangwiraaya daza' ejeliya ata puridaa'nyi pwai pihuliya' limwagarikeri dara widina “Aalya naanga Yupiretiziyaviya ejeliya daraai daraala sara wila yinakasara saraavi dimakwaasa!” <sup>15</sup> Widina kywa' ejeliya sai ejeliya daraai daraala saraavi makwaasina kywa' Gotiyai a'mwe yuyaraavi yita davakaai dava'nev' jaapaina yada gave pivaa'na sahwara tamakya'neraavi dahilakinikera yovirawakigasare. Yi sarera aawaaya nyihaanya daza'na, yi yirika dazariki, yi lawe daziki, yi kwarama yune dazavina wawinya daza' ya'nera yovirawakinikere. <sup>16</sup> Yi ata giylara aawilasara oziyaraavi mwaaihasara yi tu aadireti miliyoniyara. Kumire ata giyla'na nimi kadika wi'nawe'. <sup>17</sup> Yi nimi a'mabaaitinnya'

ya'nena tinna dara wanganna. Oziyaraaviji oziyaraavi yilamwaaleveraaviji kumire sabwi darera. A'mwera kihisangi baazi'ma'nya kaapaaya baazi'ma'nevera, yi kumire kalaaya dazangire sa dikeviya wayaaka, yi gwaagwaaja yi saalipaayaviya awi'ja kininnakera. Oziyaraavire minyaginiya yi kavijilikeibita laayonyaraavire minyaginyabisangi. Yi kumire maangengi dikesi jisasi sila saalipaayasi yima'naka mwasabi' livapina. <sup>18</sup> Kayaa'nanaanga dawaai data daza a'mwe pimaginiya savaa' tamakina. Yi yuyaraaviya davakaai mwaaidakilyiyaraavi maramaki yadivi' yuyaraavi davaa' mwaaid'nyiyaraavi tamakina. Yi dika dazasi yi jisasi yi sila saalipaayasi sahwarav' tamakina. Oziyaraavire maangengidaa'nyi livapina yaka tamakina. <sup>19</sup> Sare' dare'nesi. Oziya dazaraavire diraginiya' tamakya'ne diraginiya' maangikiji warina, likikiji warina. Sare' dare'nesi. Kumire suya kamaalyarabisangi. Yi kamaaiminyaginiya kininnakengi. Yi dazaji a'mweraavi kayaaka yigalakadivisare.

<sup>20</sup> A'mwe yuya pwara, kayaa'nanaanga daza tamakagih>wakera tinna nayaa wanganeva kiri' kumire asaji yavikaryadivita sangina kumire simunyabwi mudikebwi kuna myawiramariwaa'. Arikewi. Yimakerav' lotuya ya sabwi, yi kwaasigotiyaraavi sahwarav' yavikaryadivita goliyaji silivaayaji biraazyaji siliyaraji yisaraji saraavi yilaaya'na bule'na wijaavadivitara mi'. Yi kwaasigotiya dazara yi tinna yiniga mwanganyadivi' kadika yiniga

mu'nyadi'vɪ' kaanya yɪnɪga yamaryadi'vɪtara mɪ'. <sup>21</sup> Yɪ a'mwe dazara kumɪre a'mwe pwaraavɪ tamakyabulyɪ gɪri'nya yabulyɪ ata lɪmwangebulyɪ kukebulyɪ sasare sabwi kɪburɪna sɪmunya mudɪkebwi yawɪramaa'dɪvɪtara mɪ'.

## 10

*Ejelɪyai bukuya maalɪke' Jonɪmɪna kujaava' tɪka nake'nesɪ.*

<sup>1</sup> Ejelɪya pwai dɪragɪnaangei Sɪgunyabadaa'nyɪ waidavadaa'nyɪ nɪmɪ tɪnna wanganna. Sai gannya kɪlaakejɪkɪ yɪraayasɪ bwaakɪnɪkei, yɪ gamɪre mɪnyagɪnyavɪ byaawɪlya' wɪdaa'dɪ'nyɪyai, yɪ gamɪre sɪnnyɪ' nyɪlyaibɪ' yɪdadaa'nyɪ, yɪ gamɪre sɪvɪlyaraai dɪhɪbya'bi' dɪtaalɪta saamɪnyawa' yɪdadaasɪya'bisaraai.

<sup>2</sup> Sarei gamɪre asɪrɪ bukuya maalɪtaaya pwi lɪmwagakei, yɪ bukuyi tɪlaayɪnaka warɪna yadɪ'nyɪyai. Sai saalaalyavɪ gamɪre sɪvɪla aangasi yɪlakadɪ'nyɪ yɪ kwaakevakɪ sɪvɪla kwanaami yɪlakɪna yaka daavɪna yɪwa'.

<sup>3</sup> Daavɪna yada kavɪjɪlɪkeibɪsai laayonɪyai pwaka dadevaabɪ' sai jaka naanga dɪragɪnna dɪna. Jaka sara dɪna kyɪwa' sagaa' yɪ'munya ata purɪdaa'nyɪ daraala sa kumɪre maangwɪraaya pilɪna. <sup>4</sup> Sara pilɪna kyɪwa' nɪmɪ yawɪ'na

“Kumɪre yagaalya' yɪdavɪma!” yawɪ'na yena yɪwe'. Nɪmɪ kadɪka wɪ'nyɪna yadaazi Sɪgunyavɪdaa'nyɪ maangwɪraaya pɪrɪ' dɪna “Yɪ'munya ata purɪdaa'nyɪ pwaraalyangɪre yagaala pimwake' sa' gɪmɪre sɪmunyavɪ nayaa marabɪpalemwaaina jɪ! Pɪkarya mida'dɪnna!” <sup>5</sup> Dɪna kyɪwa' ejelɪya dazai



saalaalyaviji kwaakevakiji daa'di'nyi nimi tinna wangamwei “Yagaala naange' dīma!” daka Sigunyavi gamire aangasi munyaba makina yaka <sup>6</sup> dina “Gotiyarine yayavi yagaala nebulya' warya'ne' dīma! Yi Gotiyai sai yuyagaa' yuyagaa' gaala mwaaidei, sai Sigunya' wakyaakesi yuya Sigunyavi warikeji, yi kwaakesi yuya kwaakevi warikeji, yi saalaalya kirisi yuya saalaalyavi warikeji yuya sa wakyaakei gamire yayavi yagaala nebulya' dīma! Yirikeri' mena yaja sagaa'. Gotiyai yemwaala ayahi pizi'gwa yadei mi'. <sup>7</sup> Aawa. Divi ejeliya ata puridaa'nyi pwaraalyai pihuliya' kamakuroji, yi gamire jake' kinnoji yi dazagaa' sagaa' Gotiyare yoimavajalīkurakya sa' menanyi. Yi sa' Gotiyai wana nebulya'na yadesi. Yi gamire yaasiwa'wawinyara, gaminyi wi'nawijiwaakadivita saraavi nayaa sara widakabaai' sara yima'naabakesi!”

<sup>8</sup> Yi maangwiraaya daza' sinnawi Sigunyavidaa'nyi kyima'niwa' nimi kadika wi'niwe' niminiyi ayahi dara widina “Ejeliya saalaalyaviji kwaakevakiji daavakere asiri bukuya dazi tīlaayinika si dīmaraawa!” <sup>9</sup> Sara widina kanyiwa' nimi ejeliyaryawinna kaanna wina yena, yi sari nimi widina “Bukuya maalika dazi dīnyijaama!” widina kye, yi, sai niminiyi widina “Di maara'gizi tika dīnigu'na! Yi sa' gimire munyiki yirika gima'nadesi. Kiri' nabaai gimire maangiki kaamyoikwarakebi' waburya gyathesi.” <sup>10</sup> Sai mena kanyidīwa' yi nimi ejeliyare asiri bukuya maalika dazi maarina yena yi nimi tika nyina. Yi nimirē maangevi yi

sa' kaamyoi<sup>1</sup>kwara<sup>2</sup>kebi' waburya yina. Kiri' nimi' mena kan'wa yi sa' nimi're munyiki' yirika nyiwa'. <sup>11</sup> Yi' nini'nyu' wija' dara di'ni' "Gimi' Gotiyare yagaalya' (yikwia' ni'waanya') yima'nadenna nayaa ayahi duziwaaki! Yi' kilaaka dala nabinabinya kwalaalyara, ajimya yuyangiya kwalaalyara, yagaala ge gejiya kwalaalyara, kingiya kwalaalyaraji saraavina duziwaaki! Sara ja!"

## 11

*A'mwe pwaraai yagaalya' jalikurakagilya'nesi.*

<sup>1</sup> Nini'nyu'ina yannyari' wijaavina. Yanna sari' yaamiji' yunebanna ya'neri', yita kaanya yade mavamarya ya'neri'bisari'. Yi' wijaavina nyaka nini'nyu' widina "Gimi' wawa'gizi' Gotiyare anga nawi'nyavi' Gotiyar'ine kwaraanya kiriviji' yunebanna yaamiji'yita dakya! Nabaai sahwarina lotuya (yilaaya) yadivita a'mweraavina ata dihi! <sup>2</sup> Kiri' anga nawi'nyavi' kurita dazavi' mwasila' warikevi' yaamiji'yita mwakinna! Sa' yi' gimi' nayaa yagalya'ma'na ji! Waramaryana! Mwasimaginya daza' yi sa' ajimya yuyangiya mu'nyadivisaraavire' yima'niwa'. Yi' sahwarang' naanga nawi'nyaba (Jeruzaalem') sivi'la paihipi'dere. Kuna yiwopiji' lawe 42 (yirika 1260) yidaakupi'dehaa'nanyi'. <sup>3</sup> Yi' nabaai nimi' a'mwe pwaraala dazaraai nini'nyu' jalikurakya'neraarina maryasaabideraalyi. Yi' saraai bekiya kale'naji'

simunya mudikebwi yawiramaarya'naji sa'  
 baazi'ma'nakilyi yi niminyi nyu'nakilyi  
 pwaraavi wijiwaakikaderaalyi. Kuna yiwokilyi  
 yune yirika 1260 sagaa'nanyi.”<sup>4</sup> Saraai  
 yita woliviyawaalyi. Yi laamivananya'  
 yilakya'newaalyi. Yi sareraai kwaaka  
 yuyavaakine Naangere sinnyiki daakilyaraalyi.  
 Woliviwelivananya' laamivananyavi  
 dika yewita'divi' baaka wannadevaaibi'  
 saraai Gotiyare Kuryare diraginyavi  
 jalikurakikaderaalyi.<sup>5</sup> Nabaai a'mwe pwai  
 kwai “Saraari kayaa'na yigalima!” dozi yajai, yi  
 nabaai saraare maangevidaa'nyidi ke' yima'noji  
 sahwarare yikamaangeraavi dika nakadere.  
 Yo, a'mwei “Saraari kayaa'na yigalima!” dozi  
 yajai yi sasare dazaburi sai balina yadelyi.  
<sup>6</sup> Saraai diraginya' kininnakeraalyi. Yuya  
 sagaa' saraai Gotiyare yagaalya' wi'nyina  
 yakilyi pwaraavi wijiwakadaakilyiyagaa'na  
 yiraaya' galalimwagya'ne' yi burike' maya'ne  
 diraginya' kininnakeraai. Yi saraai aalya  
 yuya tawe yimawakya'neraai, yi a'mwe  
 Kwaakevakiyaraavi kayaaka yigalakya'neraavi  
 kayaaka dala pininnanyaji tamyane  
 diraginyasiyaraalyi. Yuya sagaa' saraai “Sara  
 yaka!” dakilyiya' yi saraai yiniga wi'na yina  
 yikaderaalyi.

<sup>7</sup> Saraai kirimire jalikurakiwawinya'  
 mena kyimwannakiri yi sigyaarya dazai  
 yi yirorila daanga maayavi mwaaidei savi  
 yagalya'mavoji yilaabathelyi. Yi sai saraalyi  
 mala bwa'nipi'delyi. Yi sai saraari wavila'na  
 yoji yi saraari tamakina yaderaalyi.<sup>8</sup> Yi nabaai

anga naanga dazabanya tutaanya naangevaki saraare kilaakejikaai waradezikaalyi. Anga naanga daza' Kuryai dadeva ke'ba'nanya'na “Sothomima, Yizipima,” wo'nikesi. Sabanyaai Gotiyare yikamaangera mwalyaasabanyaarina sara wo'nikesi. Da anga naanga dazahibanna saraare Naangei yita yovihirarannikevi balake'.<sup>9</sup> A'mwe yuya kilaaka dala nabinyaji'jiya pwaraji yi yita savakaaviyaraji yagaala yuyangine pwaraji ajimya yuyangiya pwaraji jalikurakya dazaraari tinna wangamanigasare. Yi yirika darikaai dari' yoji maalikageasi yune sagaa'na wangamanigasare. Yi sahvara a'mwe pwara saraari maralikirakya'na “Ya. Gilekavi'ninnyavi wilakaana! Wagila nuvwa'nadika!” yiniga dipi'dera mi'.<sup>10</sup> Saraai mena baimwaalya'na a'mwe Kwaakevakiyara sahvara yilaaya yipi'dere. Yi nabaai sahvara kwarama yadivi', yi tika wapaa nadivi' sihumale kwiyamweraavina wijaavipi'dere. Sare' dare'nanyi. Gotiyari wi'nadi' a'mwe Kwaakevaki mwaaihasaraavina widiwaalya'na dazaraai taanga kayaa'nanya' wijaavagileraalyi.

<sup>11</sup> Yirika darikaai dari'si maalikageasi mena kyawa' yi nabaai Gotiyai pwa'nyi maku'nya gaala ya'ne' kamaryaasiwa' saraari kwimwa' yi saraai dikaa'na yagila, yi kirimire sivi'yi daavina yiwaalyaraalyi. A'mwera saraari tinna wanganna yeva lika naanga yiwaa'.<sup>12</sup> Yi saraai maangwiraaya piri' Sigunyavidaa'nya' kadika wi'nyina. Yi saraari jaka diraginna dara widina “Kirimi munya davanna jilaabila!” Yi saraai kadika wi'nyina yagila munyaba Sigunyavina

yiraayavi yilaawina. Yi saraare yikamaangera sara tinna wanganna yadaapi saraai yilaawina yiwaai. <sup>13</sup> Yi dazagaasagaa' wininya naange' yima'nyina kyiwa' yi anga naangebanya pimagi'nya pivaa' yi savaa' kayaaka yima'nyina. Yi anga pimagi'nya naangeba pimagi'nya ata puridaa'nyi daraai daraalyavaka kuna warina. Nabaai wininya dazavi a'mwe kwalaalyara (7,000) sara mena balina. Balina kyiwaa' a'mwe pwara yivainikera lika naanga yadivi' yi sahvara Gotiya Sigunyaviyarine yaya' munyabanna makina yiwaasaraavina.

<sup>14</sup> Taanginya naanga daraalya' we' pwaraalya' sa' menanyi. Yithaanyi! Yune maalikegaa'na yoji yi taanginya daraai dalya' yi yarai yima'nadesi.

*Ejeliya ata puridaa'nyi daraalyai pihuliya' pwa'nyi makurake'nesi.*

<sup>15</sup> Yi ejeliya ata puridaa'nyi daraalyai gamire pihuliya' pwa'nyi maku'na kyiwa', yi nabaai, Sigunyavidaa'nyi maangwiraaya pini jaka naanga'na diraginna dara dina "Nemire Naangei Gotiyai gannya Kiraazitiyai Kingiya dahilakyaakeri maryasaabakelyi maremwaalya Kwaakevakia yuya gamire yima'niwakengi! Yuyagaa' yuyagaa' sai kingiyai maremwaaidelyi." <sup>16</sup> Sara dina kyiwaa' a'mwe naanga tiwedipoyara Gotiyare tinnyari kunnya kinginamwaalyisangi mwaaidapiyara kumire sinnyi' kwaakewinna walaruta'nareva Gotiyari yilaaya yina yeva <sup>17</sup> dara dina

“Naangeigi, Gotiyaigi Diraginiya Yuyangi Aaya  
Kaavilyaigi

Gimi dahaa' mwaaihinyaigi kigaakuna kuna  
mwaalagineigi

Gimire diraginiya naange' maaragina kingiyaigi  
mwaaihinya'na

Yi nem+ giminy+ 'Su! Su!' githivanigo.

<sup>18</sup> Ajimya yuyangiyara mu'nyadivisara  
giminyina simlika wilakere.

Kiri' gimire simlika naange' mena  
yima'nivan+!

Dahaa' kotiyavi yi'maya'negaa' bainikeraavina  
yima'nivan+!

Dahaa' gimire yaasiwa'wawinyaraavina tivikita  
nawi'nya wijaaya'negaaki.

Sara yi Gotiyari wi'nawijiwaakadivisaraji, yi  
gimire tewaanyaraji,

Sahwara lika yadivi' giminyi dalaangewi  
wila'nadivisara

Yi a'mwe kwaakewinyaraji yi a'mwe munyaban-  
yaraji.

Nabaai dahaa' a'mwe Kwaakevaki mwaal-  
yaraavi yigalakadivisaraavina,

Yi sahwarav+ kayaaka yigalakya'negaa' mena  
yima'nivan+!”

<sup>19</sup> A'mwe naangera mena devegaa' yi  
Sigunyavi Gotiyare anga nawi'nya' baasina  
kiwa' baasinika kusawi yi bukuta Gotiyare  
wilimwagarakevire' yi sa' ku'maayaba warina.  
Bukuta savi Gotiyare kiwinya ye'mwannajaake'  
wilarike' dara yawirya'nesi. Gotiyai nemiji  
ye'mwannamwaalikelyi. Sa' ku'maayaba  
warina yadi'nyi yinamiraasavire di'baake

mwasabi' livapina, purinya yinnyina, yi'munya pilina, kwaakeva' wininya' yina, sirimya naange' bwala'na yakengi.

## 12

*A'mwesì kabaraawarya naangelyì sawaarinesì.*

<sup>1</sup> Yi sigunyavi yibwaridaakwa naanga pirì' yima'nyina. Sa' da'dare'. A'mwe pirì' mwaalina. Yi sa' nyilyai gamire kilaakejiki baazi'ma'nikesi. Yi gamire sivilyiraari kwaaka dalaangewi lawei mwaalina. Yi gamire minyaginyavi silingaaminya atiraai sivilyiridaa'nyi pwaraalya kingimwaaihinyangi. <sup>2</sup> Sa' kaimiraavimunya kininnake' yi kaimiraaya maarya'ne daange' savi yima'nyina yiwa'. Yi daanga daza' yi wana kayaa'nanya'. Yi sara wiadaa'nyi yi sa' kaimiraaya maarya'negaa'ne jaka diraginna dina. <sup>3</sup> Kuna jaka dina yadaa'nyi sigunyavi yibwaridaakwa pirì' yima'nyina. Daza' yi dare'. Yithaanyi! Kabaraawaryaibita naanga pwai mwaalina. Sai wayaaka yaka yi minyaginya ata puridaa'nyi pwaraalya kininnakei yi minyagizaanya atiraalyajiyai. Yi gamire minyaginyangi kingimwaaihinya ata puridaa'nyi pwaraalya warina. <sup>4</sup> Yi gamire suyai sigunyaviya silingaaminya pivaa' wana pada'galabwaki'na yasaabina yaka kwaakevakina maralivaramaabina. Yi silingaaminya pimaginyaala savaa'na sigunyavi kuna warina. Yi kabaraawarya dazai a'mwe maarya'ne dazavire sidaliki daavina, “Kaimiraayarì maarìma!” dada

yadaa'nyì. Yì sahwai “A'mwe kaimìraayarì mena kamaarojiya,” daka “Sagaasagaa' kaimìraaya dazai tika maranìde'na!” daka yemwaaina. <sup>5</sup> Kuna yemwaaina yadaa'nyì yì a'mwe' gawaalìvaangei kaimìraaya kwalyai maarìna. Kaimìraaya dazai dìvidaa'nyì yìta aayìniyarì' limwagozì yì sasi ajìmya yuyangìya yuyaraavì dìragìnna maremwaaladelyì. Yì a'mwe' kaimìraayai mena maarìna kyìwa' yì Gotìyai kaimìraayarì munyabanna yarai yìpalamakìlaawìna yìwakelyì. Kabaraawaryai “Maranìma!” daka yìwakelyì. Yìpalamakìlaawìna yaka gannya kingìnamwaalyìsavìna makìlaawìna kyìwa' kabaraawaryai maranìwakei mì'. <sup>6</sup> Mamaranyì kyìwa' yì a'mwe daza' a'mwamaaya kunyìmagìnna likanya wìna. Dazìmagì Gotìyai gamìnnebanya' mena yovìrawakìnikeba. A'mwe savì yìnìga wì'na 1,260 yìrìkerìkaavì maremwaaidìvì' wapaajì wìjaaya'nesì.

<sup>7</sup> Sìgunyavì mala naange' yìma'naabìna. Ejeliya naangei Maaikelìjì gamìre ejeliyarajì sara kabaraawaryalyì mala ye'mwannabwa'nyìna. Yì kabaraawarya dazalyì gannya ejeliyarajì yì sahwara kumìre malyangì ayahi tìvìkì'na yìna. <sup>8</sup> Yaamìjì tìvìkì'na yìna yeva kìrì' sahwara malya' wavìlaya'ne dìragìnya' maayare. Sarevìdaa'nyì yì Sìgunyavì sahwara ayahi yìnìga wì'na mwaabì'dera mì'. Arìkewì. <sup>9</sup> Yì Gotìyare ejeliyara sahwara kabaraawarya naanga dazarì kewìnìnna maralìvaranna yìwaa'. Yì kabaraawarya dazai yì wana sìnnawì kìgaa' kamaalyai kunanyalyì. Yì “Yuyaraavì Kotìya



Maryadela,” wo'n'ikei, yi Saataani Yikamaangei (Siwaakei) wo'n'ikelyi. Sai Kwaakevakiya a'mwe mwaaihata yuyaraavi kwaasi yagaala widadelyi. Maaikeliji gamire ejeliyaraji Kwaakevakina kewininna maralivaranna. Yi gannya ejeliyara kwaraaviji maralivaramwaasara sara salyi ye'mwannigwalina yiwaa'.

<sup>10</sup> Yi Sigungyavi maangwiraaya piri' jaka diraginna kadawa' nimi kadika w'niwa. Yi dara dina

“Aawi! Dahaa' nemire Gotiyai yuna nevadaihasamaa'mwa'.

Yi ku'maayabanna gannya diraginya' mena yima'naabiwa'.

Yi dahaa' sahwai Kingiyai mena maremwaaimwa'.

Gannya Kirazitiyai Kingiya dahilakyaakerebwi yuna maa'mwa'.

Sare' dare'nesi. Dahaa' kewewininna mena livaramwaasa'nanyi.

Neyamweraavi kotiya marya'ne dazari yuna livaramwaa'.

Nyilyaviji sawisaviji nemire Gotiyare tinnyari neyidaanganaka

Sahwai neminyi kotiya kayaa'na diraginna maryadelyi.

Kiri' sasareri dahaa' ejeliyara nayaa livaramwaasari'nera.

Sara kyiwaa' sai mena kewininna waimwaawikeri'nera.

<sup>11</sup> Neyamwera Sipizipiya Diwinyare tawevina malya' wawila'mwaa'.

Sahwara gamire yagaalya' wijalikirakevevi malya' wawila'mwaa'.

Kwaakevaki nawi'nya mwaalya'na simunya  
kwalaalya myawiriwaa'.

Aawa. 'Yikamaangera neramakipika!' deva  
baihana'na yiwaasare.

Sasare dazaburi malya' wawilaveva  
yikamaangeri marasi'niwaasare.

<sup>12</sup> Sarevida'nyai, Sigunya'giji sahiba mwaaiha-  
saihiyi yilaaya ji!

Kiri' Kwaakeva'giji saalaalya'giji kiriminyi  
mwaaihasaraavina we'!

Taanginya naange' sabanyaai mwaaihasaihi  
sariminyi yihima'nade'nanyi.

Sariminyawinna Yuyaraavi Kotiya Maryadei  
mena waimwaabi'.

'Yune maalikegaa'nanyainyi daakaji,' sinna tike'  
kininnakei

Sariminyi kayaa'nanya dala pininna pininna  
ya'nelyi."

<sup>13</sup> Kabaraawarya dazai tinna dara  
wangamwake' "O, Kwaakevaki kewininya  
dawinna nyimaraivaramwaasainyi midaaka!"  
Sara daka a'mwe' kaimiraaya kwalyari  
maaraka savi mijamakuna. <sup>14</sup> Mijamakuna  
yadaa'nyai a'mwe dazavina bwaangya  
kware piya pirawaai wijaavina kiwa'  
yi sa' a'mwamaaya kunyimaginna yiniga  
pilakwonesi. Yi sa' Kamaala naangeri like'na  
menyabanna mwaalya'ne' pilakwonesi. Yi  
nabaai sahiba kwarama dawaai da' yoji yi  
kwarama pimaginnyasi kuna yiwawoji wapaaya  
pada'galamaremwaaladelyi. <sup>15</sup> A'mwe' likaanya  
kuna wodaa'nyai yi Kamaala dazai gamire  
maangevida'nyai aalya' kwadaaka mudaasiya'.

Aalya daza' yi aalyaaka naange' yada yi a'mwe' mijamakuna. Kamaalyai dara yawi'da "Aalyaake' a'mwe savi maramloji saba yiwina yana!" sara yina yiwake'nanyi. <sup>16</sup> Aalyaaka naange' a'mwe daza' mijamakuna yadaa'nyi Kwaakeva' a'mwevi gaimwanna. Kwaakeva' maanga taavina yada aalya daza' Kamaalyai gamire maangevidaa'nyi kwadaaka mudakade' nigu'nyina. A'mwe' mamihaasa'na nigu'nyina. <sup>17</sup> Sara nigu'nyina kywa' a'mwe' yuna likaanya kywa' yi kabaraawarya dazai a'mwe dazavina similika wilina wiwa'. Yi sai "Sahirivire kaimiraaya pwaraji malya' mala yinaana!" daka kaanya wiwa'. Kaimiraaya dazara Gotiyare kiwinya mididivi' yi sahvara Jizaazarina jalikurakadivisara mwaahasare. <sup>18</sup> Yi kabaraawarya dazai saalaalyavi maangebaari daa'delyi.

## 13

*Saalaalyavidaa'nyi Sigyaaryai yilaabina yake'nesi.*

<sup>1</sup> Yi nimi tinna wanganna yadaazi sigyaarya pwai saalaalyavidaa'nyi yima'naabina. Sai minyagizaanya atiraalya kininnakei yaka nabaai minyaginiya ata puridaa'nyi pwaraalyajiyai. Yi gamire minyagizaanyangi kingimwaahi'nya atiraalya warina. Yi gamire minyaginyangi yaya pin' warina. Yi yaya dazangire aaya kaavilya' yi sa' dare'na "Gotiyarine yagaabiraizika dala pininna pininnanya."

<sup>2</sup> Sigyaarya dazai nimi tinna wangamwei

yi sai lepaatiyaibisai yi gamire siviya' beyare siviya'bisasiya' yi gamire maange' kavijilikeibita laayonyare maange'bisa'. Yi kabaraawarya dazai sigyaaryarina gamire diraginiya' wijaavina. Sari dahilakina yaka sari sarei kingiya mwaalina ya'na gami saibi'na, yi sara yaka sarina diraginiya naange' wijaavina y'wa'. <sup>3</sup> Sigyaaryare m'nyaginiya pir' yi mena davaka baimwanike'bisa'. Kiri' m'nyaginiya dazaviya wa'waaya' sa' yaalika y'nnike' yaka ayina tewaanya y'ima'nyina y'niker'nera. Yi a'mwe yuyara sigyaarya dazarina lika y'wainigulina yadivi' sari midinna. <sup>4</sup> Sara midinna yadivi' kabaraawarya dazai gamire diraginiya' sigyaarya dazahwarina wijaawake'na a'mwera kabaraawaryari y'laaya yina yadivisare. Yi a'mwera Gotiyai gaveri y'laaya y'p'inebaabi' sahvara kabaraawarya dazari y'laaya yina. Yi sara yadivi' sigyaarya kwariji y'laaya yina yadivisare. Yi sahvara dara dadivisare "Pwai avainanyai sigyaarya dazaibi' aihwalaka! Sahwalyi mala y'ninga ye'mwannarannadei aihwalaka! Sahwari wavilavadei daaka! Ar'kewi."

<sup>5</sup> Yi Gotiyai sigyaarya dazari wanganakina yadaa'nyi jaka naanga yaasiwa' dina yada yamarivani'. Yi sara yada Gotiyari yagaabiraizika y'vani'. Yi sai diraginiya kininnakei maremwaala sasare sabwi ya'ne y'ninga wi'na lawe a'mwe pwaraare atiziv'iraai yaka pir'waalyang' (42). Sai dare'bi' dina "Yuyaraaviji yuyaburaaviji wavila'dinyainyi nini'." <sup>6</sup> Sahwai gamire maange' taa'da yi

Gotiyarına yagaibirazika yivanikelyi. Sai  
 Gotiyarine yaya' yagaibirazika dadelyi,  
 yi Gotiyare angevinaji, yi Gotiyare yita  
 dazavaa' Sigunyavi mwaaihata saraaviji.  
 7 Yi Gotiyai dazari wanganakina yadaa'nyi  
 yi sai Gotiyare a'mwe tewaanyaraji malya'  
 ye'mwannabwa'mani!. Yi sara yada malya'  
 wavila'da yi saraavi walamarakadere. Yi  
 sai diraginiya yinga wi'nanya' maaraka sai  
 kingiyai yita gazavaasavaakiyaraav+naji yi  
 kilaaka nabinabinyajiyaraav+naji yi yagaala  
 ge gejiyaraav+naji yi ajimya yuyangiya  
 gasaviyaraav+naji kingiyai mwaalina. 8 Yi  
 a'mwe Kwaakevak+ mwaaihata yuyara sigyaarya  
 dazari lotuya yipi'dere. Yi gazaizai gamire  
 yaya' bukuya gaala mwaalya'niri mida'nikei  
 dazari lotuya yadelyi. Bukuya dazi yi bukuya  
 Diwinya Sipizipiyari sinnawi Gotiyai Kwaakeva'  
 mwakyaakegaa' tamakinika sahwarilyi.

9 A'mwei kad+nakeinyi daakaji sai yagaala  
 dathavi kadika nayaa pada'galawi'nana!

10 A'mwe kwai kalavuzavina wiya'nei

Kalavuzavina nayaa wina yana!

A'mwe kwai kwaari'masiraminyavi balya'nei

Kwaari'masiraminyavi nayaa balina yadelyi.

Nabaai sasare dazabwi yima'naja' yi Gotiyare  
 a'mwe tewaanyara sahvara diraginna daavapiji  
 Gotiyari gamire diraginyasi kuna diraginna  
 limwagapika!

*Kwaakevakidaa'nyi sigyaarya pwai  
 yima'naabina yake'nesi.*

11 Yi sigyaarya pwai kwaakevi kusawi dikaavaka munyaba yidavadaa'nyi yi sari nini tinna wanganna. Sai minyagizaanya pir+waai kin+nnakei minyagizaanya sip+zip+di+winyare'bisawaalyiyai. Yi kabaraawaryai yagaala dadevaaibi' dadei.

12 Ayahidaasa sigyaarya dazai yi sai diraginya yuya' maremwaala sigyaarya aaya mudikere' maaraka yi sai aaya mudikere sinnyiki' diraginya dazasi wawinya yadei. Sai wawinya diraginna yade'na sigyaarya aaya mudin'anya dazarina Kwaakevakiji sahba mwaaihata saraavi sara lotuya yadiv+sa'nanyi. Sinnawi kigaa' wa'waaya kayaa'nanya' sahwar+ yinahu tamakya'ne' sa' mena yaalika yilakeri. Yi sahwar+na diraginna yada Kwaakevakiyara yilaaya yina yadiv+salyi.

13 Sigyaarya ayahidaasai yibwar+daakwia'ne, atika maru'narya'ne dala pininna pininnanya naange yadelyi. Atika maru'narya'ne piri' yi sa' yi dare'. A'mweraavire tinnyari' dike' yira'daa'nyiya' sigunyavi yagalya'ma'da kwaakevakina walaabina.

14 Sai sigyaarya aaya mudikere tinnyari' atika maru'narya'ne dala nabinabinya yivanikelyi. Yi sasare dazabwi sai a'mwe Kwaakevakiyaraavi kwaasi yijiwaadevulyi. Sai Kwaakevakiya a'mweraavi dara widada "Sigyaaryari' a'mwa'mwe' sarine yaya' munyaba makilya'ne' nayaa jila! Yi sigyaarya dazai sinnawi kigaa' kwaari'masiraminya' dawakakei sari, kiri' sai gaala ayina mwaali'. Yi sarer+ lotuya kuna nayaa jila!" 15 Yi Gotiyai sari wanganakina yadaa'nyi yi sai sigyaarya pware a'mwa'mwevina

simudinya' wijaavan!. Yi a'mwa'mwe daza' yagaala ja'na wijaavina. Yi nabaai a'mwe pwara sigyaarya sare a'mwa'mwe dazavina lotuya mi kyapiji yi a'mwa'mwe sa' saraavina dina "Sareraavi yarai diramakyila!" yi sara ya'na simudinya' wijaavina. <sup>16</sup> Yi sigyaarya ayahidaasai "Sara jila!" kadiwa' yi pwara a'mwe yuyaraavi "Aangasiri midaakaji. Yamevi midaakaji." deva "Sigyaaryarera daaka!" ja'ne baave piri' pikarya yavikaridivisa'. Yi a'mwe maalikeraaviji a'mwe yaya' kininnakeraaviji kwaraavi, yi a'mwe nigwinakeraaviji a'mwe gilyivimaayaraaviji kwaraavi, yi a'mwe kumirena yadivisaraaviji a'mwe yaasiwa'wawinyaraaviji kwaraavi, yi yuya sareraavi baave piri' pikarya yavikaridivisasi. <sup>17</sup> Sarevi yi nabaai "Kimaakiya dakyila!" kadiwaa' a'mwei baave daza' kunei sigyaarya dazarine yaya' piri', gaminne yayavine ata gilya kiri' yi sai gilyivisa a'mweraavi mubathei mi'. Yi sahvara gaminyi mubipi'dei mi'.

<sup>18</sup> Yi nemi daza'na simunya nayaa yawiraa! A'mwe sidu'nakei sai sigyaaryare nabaayavi ata nayaa dihila! Daza' yi a'mwe kwarine ata gilyasi. Yi a'mwe dazarine ata gilya' yi sa' 666.

## 14

### *Sipizipiya Diwinyare daata mudike' desa'nesi.*

<sup>1</sup> Nimi tinna ayina wanganna. Yi thaanyi! Mugunya Saayoni Sipizipiya Diwinyai daa'di'nyi yi a'mwe kwalaalya (144,000) sara sahwalayi ye'mwannadaa'dapi tinna

wanganna. Sahwara kumire yamengi Diwinyarine yayasi yi gannya Ganimaangerine yayasi yida'nikera mwaaiha'. <sup>2</sup> Yi purinya nawi'nya Sigunyavidaa'nyi kyinnigaviwa' nimi kadika wi'niwa. Purinya sa' aalya naange aalijaka yinnadevaai', yi yimunya pida jaka naanga yinnadevaai'sa'. Nimi purinya daza' kadika wi'niwe' yi sa' piradaza'bisavi. Yi sa' aringa a'mwera gitaaya tadaapi piradazyagaala yinnadevaai'sa'. <sup>3</sup> Sahwara Gotiyare kinginamwaalyisavi kusimagiji yi daraai daraala gaala kininnakeraavi tinnyariji a'mwe naangeraavi tinnyariji saba daata mudika pir' dina yivaniga'. A'mwe Kwaakevakiyaraavi a'mwe (144,000) kwalaalya dazara ayina mubini'kera yune sahwara daata daza' yawiramaapinere. Aane pwai kwai aawa. <sup>4</sup> A'mwe dazara sahwara a'mwe saji girikita'nanya sabwi yevera mi'. Sare' dare'nanyi. Sahwara sidiraaya nawi'nya mwaaidivitabaai'sara Gotiyari yagalya'mavetara mi'. Kwaakevakiya kayaa'nanya saburaavi limwagetara mi'. A'mwe dazara sahwara Diwinyai "Saburi kaanya wima!" dada yadevanyari midinna yadivisare. A'mwe dazara sahwara a'mwe pwaraayawidaa'nyi Gotiyai ayina mubakere. Gotiyai gannyyaraavi maarakera, Diwinyai kwarijina. Yi tika munne aaya mudinanya Gotiyarina wijayaatabaai' sahwara Gotiyalyi Diwinya Sipizipiyalyi saraarera aaya mudinanyara mwaaiha'. <sup>5</sup> Sahwara kumire maangevi kwaasi yagaala kunera. Kwaasi



yagaala majadivisara. Sahwara yiwetawakya maayara.

*Ejeliya daraai dalyara desa'nesi.*

<sup>6</sup> Yi ejeliya pwai sigunyavi tinnyaba kavilakuwa' nimi tinna wanganna. Sai yagaala tewaanya' yuyagaa' yuyagaa'ne' kininnakei. Yi sai yagaala daza' a'mwera kwaakevaki mwaaihasaraavi wijiwaakya'nei. Sai ajimya yuyangiya gasaviyaraaviji yita gazavaasavaakiyaraaviji yagaala ge gejiyaraaviji kilaaka nabinabinyajiyaraaviji wijiwaakya'nelyi.

<sup>7</sup> Sai maangwiraaya jaka diraginna dara dina “Yirikegaa' mena yima'nawa'. Gotiyai a'mwe yuyaraavi kotiyavi maryawibwarya'ne'na sarina lika nayaa yadivi' gaminne yaya' munyaba dimakilyi! Byaanna kininnakeri yilaaya ji! Sigunya' sasi kwaakesi saalaalyasi aaliyiminya yuya kiniji yavikaryaakei Gotiyari lotuya nayaa ji!”

<sup>8</sup> Ejeliya aaya mudinanyai mena pilakuna wina kyiwa' munyaba ejeliya pwai midinaabina yaka dina “Anga naanga Babiloni sa' kayaaka yada mena bwala'mwa'. Mena bwala'mwa'. Anga naanga Babiloni dazahiba yadewwi a'mwe ajimya yuyangiyara gamire girikita'nanya diraginyabwi midinya'na yi dare'bisasi. Sa' waainiya diraginya' wjavadaasi sahwara nyina. Kiri' sare'na Gotiyai yuyaraavina sinna tike' widaya'ne' yima'niwakesi.”

<sup>9</sup> Yi dividaa'nyi ejeliya pwai saraari midinaabina yaka jaka diraginna dara dina “Nabaai a'mwe kwai sigyaarya aaya mudinanya

dazarina yi gamire a'mwa'mwerinaji lotuya yajai yi 'Baave' yamevi maaride' dingaka? Asavi maaride' dingaka?' dada maaroji <sup>10</sup> yi yajai gami sahwai waainiya piri' nadelyi. Waainiya daza' yi Gotiyare sinna tika widaya'na. Gotiyai aayagaa' aalyasi waainiya sasi ye'mwagakya yaka mi'. Aawa. Nabaai sai waainiya sa' gamire sinna tike' yi kaapiya kayaa'nanya' tivikiryanevi dimavadelyi. Sara dimavawijaavina kyoji a'mwe dazai sigyaaryare baavanakei yune nadelyi. Yi a'mwe dazai daanga kayaa'nanya' maaradelyi. Yi ejeliya nawinyaraavire tinnyariji yi Sipizipiya Diwinyare tinnyariji dika awitalange'na warikevi sila saalipaaya nadevi kayaa'nanya daza' maaradelyi. <sup>11</sup> Yi jisa' yida dika dazavi yi sareraavina daange' wijaavina. Yi jita daza' nabaai yuyagaa' yuyagaa' yimwaainagothe'. Yi a'mwe dazara sigyaaryari gamire a'mwa'mweriji lotuya yadivisaraji baave' gaminne yayavine' maarajai gazaizalyi sara nyilyaviji sawisaviji kave kwaamusabwi maapi'dera mi'."

<sup>12</sup> Sasare dazabwi yima'najavi yi Gotiyare a'mwe tewaanyara diraginna daapika! Yi a'mwera Gotiyare kiwinya midinna, yi Jizaazari diraginna limwagapijara diraginna daapika!

<sup>13</sup> Yi nimiti kadika wi'nyina yadaazi Sigunyavidaa'nyi maangwiraaya piri' dara dina "Pikarya dara jitha! 'Dahaa'daasi a'mwera Naangeri diraginna wlamwaaidivi' jalikurakadivi' yi balapiji a'mwe bainika dazara yi sahwara yilaaya yadivi' tewaanaanga winadere.' " Kurya Tewaanyai kwalyi divani'

“Yo, yi sahwara yadivita yagiyagi wawinya daza, daanga maa'divita daza yagalya'mavapiji yi kave mwaajib'dere. Sare' dare'nanyi. Sahwara yaasiwa' wiya yadivi' mi'. Aawa. Sahwara tewaanya yadivita sabwi, yi daza' sahwariji ye'mwannigwiya yade'. Yi kumire diraginyabwi ku'maayabanna yima'naabathesi.”

*Yirika Kwaakevaki tika munne maarya-gaa'nesi.*

<sup>14</sup> Nabaai nimi tinna ayina wanganna. Yithaanyi! Yiraaya yaaka piri' wa'disi yi pwai yiraayavi A'mweraavine Kaimiraayaibisai yilamwaali'. Sai gamire minyaginyavi kingimwaaih'nya goliya' kininnakei. Yi sai gamire asiri kwaari'masi' wana lika gurimaanga di'bwarakiniki' limwagakei. <sup>15</sup> Yi Gotiyare Anga nawi'nyavidaa'nyi ejeliya pwai walyaabina yaka yiraayavi mwaalika dazari jaka naanga dara dina “Gimire kwaari'masisi witiya tika munne dithaka! Yuya tika munne Kwaakevakiya mya mena yilake'na dithaka! Yi dahaa' yirika tika munne daza maarya'negaaki.” <sup>16</sup> Sara kudawa' a'mwe dazai yiraayavi mwaalikei sai gannya kwaari'masi' limwagarakisi tika munne Kwaakevakiya mya yilake davina yaka maryi'bwarakina yiwakelyi.

<sup>17</sup> Yi ejeliya pwai Anga nawi'nya Sigunyavi mannikevidaa'nyi walyaabina. Nabaai sai kwalyi kwaari'mata di'bwarakiniki' limwagakerinera. <sup>18</sup> Yi nabaai ejeliya pwai kwaraanyaba yagalya'mavaka kaanna bina. Yi ejeliya dazai dikevi maremwalya'ne diraginya'

kininnakei. Yi sai ejeliya kwaari'mata lika gurimaanga di'bwarakiniki' limwamwakeri jaka diraginna wida'na mu'nyadivisaraavina "Ginnya kwaari'mata dazi' lika di'bwarakiniki' maara'gizi yuya tika munne Kwaakevakia girai'wilyabaariya ditha'! Yi mari'bwarakina yija warina ya! Gamire tika munne yuya, girai'ya yuya mya mena yilake'na sara dithavamari'bwarakya!" <sup>19</sup> Sara wida'na kiwa' ejeliya dazai gamire kwaari'masi' limwagaka yi Kwaakevakia yuya tika munne wila girai'yaviya yime'nyabi' kihimavamaa'na yaka yi mari'bwarakina. Yi sai kihimavamaa'na, sila naanga girai'ya tima'mwanga ya'nevi kusawi tika munne daza mari'bwarakina. Sila naanga daza' yi Gotiyare sinna tika widayasi. <sup>20</sup> Yi anga naangeba mwasilaa warika sila dazavi pwai girai'ya yuya tima'mwanna. Sara yadaa'nyi sila savi mwasilaa tawe' walyaabina. Tawe walyaabina yada kaanya kuna kuna wawoka yune 1,600 sitaathiyamiya (300 kilomitaayavina) yaka munyaba oziyaraavire maangeyabanna (a'mwe tutaayai yunebanna) yiniga wi'na yilaabina yiwakesi.

## 15

*Ejeliya ata puridaa'nyi daraalyara kayaa'nanya aaya limwagesa'nesi.*

<sup>1</sup> Yi nimi Sigunyavi yibwaridaakwia piri' warikevi tinna wanganna. Yibwaridaakwia sa' naange', yi atika maru'nakulya'ne'. Yi dara wanganna. Ejeliya ata puridaa'nyi daraalyara kayaa'nanya a'mweraavi kayaaka yigalya'ne

limwamwaasa'. Nabaai kayaa'nanya daza mena kyiwawoji kwaakevi ayahi piri' yima'naabathe' mi'. Kayaa'nanya ata puridaa'nyi pwaraala dazangi Gotiyare sinna tika widaya' sa' mena yiwina yadesi.

<sup>2</sup> Yi nimi naange' saalaalya'bisa' tinna wanganna. Sa' sinimwavananya'bisa' dikesi yelmwagakinkabaabisa'. Amwera malya' wawila'na yadivi' sigyaarya dazari marulawakina yiwaa'. Yi sahwariji yi gamire a'mwa'mweriji yi ata gilya gaminne yaya' dahlakakeviji marulawakina. Yi sahwara saburina "Aala!" yawaasara. Sahwara saalaalya aaizya'bita dazavi daavina. Sahwaraavna Gotiyai piradazabisa mena wijaavake limwanne.

<sup>3</sup> Sahwara Mozizai Gotiyare yaasiwa'wawinyare daasa', Sipizipiya Diwinyarine daasa' dina. Daata daza' yi dare'na

"Naangeigi Gotiya Diraginiya Yuya Kininnakeigi!  
Yuya yadinya naangengi! Atika  
maru'nakuidaanyangi!

Kingiyaigi a'mwe ajimya yuyangiyaraavi  
maremwaaidinyaigi!

Gimire saburaavi yida'maraangengi! Neb-  
ulya'na yunewinnanyangi!

<sup>4</sup> Naangeigi nawinya girimaayaigi gave yune  
pwainanyaiginyine'na

Giminyina yi lika mi yadei aaihwilaka!

Giminyine yaya' munyaba mamakilyi yadei aai-  
hwilaka!

Gimire yida'nanya nawinyabwi ku'maayaba  
mena yima'niwake'na

Ajimya yuyangiyara giminyawinna lotuya bahip+deiginyi.”

<sup>5</sup> D+vidaasi n+imi t+inna ay+ina wanganna yadaazi y+ Sigunyavi Anga naw+inya' lotuanga sel+ ange' jal+ikurakya'ne' sa' baas+iny+ina. <sup>6</sup> Y+ baas+iny+ina y+ikev+daa'ny+ ejeliya ata pur+daa'ny+ daraala dazara a'mweraavi kayaaka y+galya'ne kin+innakera walyaab+ina. Sahwara baaz+ma'nya naw+inyaange wana gir+maaya yaka livamwaja yadaasiya y+ra'nevera. Y+ sahwara munnaanya goliya pwiy+nevera, kumire kih+savi yunebanna pwiy+nevera. <sup>7</sup> Y+ gaala kin+innaka daraai daraalyaraav+daasai pwai ejeliya ata pur+daa'ny+ daraalyaraav+ina diziya goliya ata pur+daa'ny+ daraalya w+jaav+ina. Y+ Gotiyai yuyagaa' yuyagaa' gaala mwaaidere sinna tika w+daya' y+ sa' diziya ata pur+daa'ny+ daraala dazangi yunebanna maanga yeku'nari'. <sup>8</sup> Sagaa' Gotiyare byaannyasi diraginyasi sawaar+daasi j+sa' anga naw+inya dazavi yunebanna w+lar+'. Y+ anga dazavi kusawi y+in+iga wi'na w+ladei aane pwai kwai mi'. Aawa. Pwara nayaa yemwaaibi'dere. Ejeliya ata pur+daa'ny+ daraalyara kayaa'nanaanga ata pur+daa'ny+ daraalya sang+ kumire waw+nya' mena ky+mwannapi sahwara Anga naw+inya dazav+ wibi'dehaa'nanyi.

## 16

*Gotiyare sinna tika w+dayav+re diziya ata pur+daa'ny+ daraalyang+nesi.*

1 Yi anga nawi'nyavi kusawi maangwiraaya naanga piri' kyima'n'iwa' nimi kadika wi'n'iwa. Sa' ejeliya ata puridaa'nyi daraala dazaraavi jaka diraginna dara dina "Sari mi kaanya wawopiji dziya ata puridaa'nyi daraala daza Gotiyare sinna tika wi'daya' kininnake dithimayila! Nabaai Kwaakevakina walaawade'na!"

2 Yi ejeliya aaya mudi'nanyai gamire dziya' kwaakevina dimavaawina. Yi wa'waaya (sokwavaanya) diraginya wana kayaa'nanya, daanga pinya'ne a'mweraavi yima'nadere. Yi a'mwera sigyaaryare baave' kininnakera, yi sahware a'mwa'mweri lotuya yadivisara sareraavi yima'nadere.

3 Yi ejeliya yawidaasai (2) saalaalyavi gamire dziya' dima'na. Yi saalaalya' a'mwe bainikerabita tawe' yima'nyina. Yi yuya saalaalyavi gaala mwaaihasa, sa mena balina.

4 Yi ejeliya daraai dalyai (3) aalyangiji aaliyiminyangiji gamire dziya' dima'na. Yi yuya daza tawe' yima'nyina. 5 Yi nimi kadika wi'nyina yadaazi ejeliya aalyangi maremwaidei dina

"Gimire kotiyavi kayaa'nanya dazaburaavi  
maryawibwa'dinya'na

Nawi'nya nebulyaigi! Yi yida'maraangeigi  
mwaaihinyaiginyina.

Dahaa' mwaaihinyaigi, sinnawi kigaakuna  
mwalyeigi!

6 Kayaa'nanyara gimire tewaanyaraaviji  
wi'nawijiwaakyaraaviji tamakesare.

Yi tamakadivi' kumire taweji' dimavesare.

Sarevi sahwara nipi'de'na aalitawe'  
wijawaanyare.

Kunnya kayaa'nanya tivikisa' ma'mwaasa'  
tewaanyasi.”

<sup>7</sup> Sara dina kyiwa' yi nimi kadika wi'nyina  
yadaazi kwaraanyaba gami sa' jaka dara diwa'  
“Yo, Naangeigi Gotiyaigi Diraginya Yuya  
Kininnakeigi

Sareraavi maryawibwa'mwaanyanna neb-  
ulyabwi yunewinna yida'maraangesi.”

<sup>8</sup> Yi ejeliya daraai daraalyai (4) gamire  
diziya' nyilyari dima'na kyiwa' yi Gotiyai  
nyilyari wanganakina yadaa'nyi sai a'mweraavi  
di'daanya wi'n'wa'. <sup>9</sup> Nyilyare dika naanga  
daza' yi sa' di'daananga kuna yada yi  
a'mwe dazaraavi di'daananga wi'nyina.  
Yi sahwara Gotiyarine yayavi biraiyagaala  
dina. Yi Gotiyai kayaa'nanaanga dazangi  
yidika'devurine diraginya kininnakei.  
Kiri' sahwara biraiyagaala dina, simunya  
mudikebwi myawiramaaryadivi' yi gaminne  
yaya' byaannake' makidivitara mi'.

<sup>10</sup> Yi ejeliya atilyai (5) gamire dziya'  
sigyaaryare kinginamwaalyisavi dima'na.  
Sara dima'na kyiwa' jihinya' sigyaaryai  
maremwaaideraavi jinnyina. Sahwara daanga  
kayaa'nanya' kuna maarina yiwaasavidaa'nyi  
kunnya taalisa tika da'nivaniga'. <sup>11</sup> Sahwara  
kunnya daangennaji wa'waayannaji yawi'divi'  
yi Gotiya Sigunyaviyari yagaalbraizika  
yina. Kiri' sahwara simunya mudikebwi  
myawiramaaryadivi' yi kumi yadivita  
saburaavina bule'na mujaayi yiwaa'.



12 Yi ejeliya ata puridaasi pwainanyai (6) gamire diziya' Aalya naanga Yupiretiziyavi dima'na kywa' yi aalya sa' yaalika yunewinna yilina yaka tusa' nyilyai bilyiri'dimagidaa'nya kingiyara kaanya bya'nevi yawibwarakina.

13 Yi nimi tinna wanganna yadaazi nyaabulyabisa daraai dala yimakerana. Yi kabaraawaryare maangevidaa'ny+ yi sigyaarya sare maangevidaa'ny+ y+ wi'nawijiwaakade kwaasiya sare maangevidaa'ny+ daraai dalyara walyaabina. 14 Sare' dare'nanyi. Kulaka kayaa'nanya dazahiniza yimakeravire kulakengi. Nabaai yijiwaala dala nabinabinya, atika maru'narya'ne yadivisare. Sahwara Kwaaka yuyavaki mwaahasaraavi maremwaaidivita kingiyaraayawinna kaanya wina yiwaa'. Sahwaraavi "Mari'bwarakaana!" deva mala bwa'nya'nevi Gotiya Diraginya Yuya Kininnakere yirika naanga dazagaa'nevi makabina.

15 "Yithaanyi! Nimi a'mwe kukei bi'ma'devaabi' sariminyawinna bi'mavideinyi. Sarevi yi nabaai a'mwei se mwaryoji, yi gamire baazi'ma'nya kannyila gaminyaba nayaa maremwaaidei mwaalojiyai yi sai yilaaya yada tewaanaanga winikela! Yi sahwai yune kilakeji'nanyai yamaryade'na mi'. Yi a'mwera gamire wagi'lya' wangabi'de'na mi'."

16 Yi yimaka sahwara simagi Yiviruyagaalyavi "Aamaahethoni," wo'nikebanna kingiya dazaraavi marirakurakina yiwaa'.

17 Yi ejeliya ata puridaasi pwaraalyai (7) gamire diziya' sigunyaviya yihusavi dima'na.

Yi Sigungyav+ Gotiyare Anga naw+nyavi gamire king+namwaaly+sav+daa'nyi maangwiraaya naanga piri' jaka diraginna dada yi jaka daza' mwasabanna y+ngwalyaab+na. Sa' dara dina "Mena y+ma'n+waabi!" <sup>18</sup> Dina ky+wa' yi y+namiraata baake mwasa'bi' livap+na, yi purinya y+nni+na, yi y+'munya pil+na, yi w+ni+na naange' y+ma'ny+na. W+ni+na daza' yi sa' naangaange', yi yuyagaa' a'mwera Kwaakevaki gaai mwalyaatagaa'daasi w+ni+na pini aawa. S+nnawi k+gaakuna w+ni+na piri' daza'bi' naanga sasara yaka mi'. <sup>19</sup> W+ni+na naanga daza' y+ma'ny+na ky+wa' anga naanga daza' davakaai dava' y+ma'ny+na. Yi aj+mya yuyangiyaraavire anga naanga sa wala'na yada yi kayaaka y+ny+na. Yi Gotiyai Anga naanga Babiloni dazav+na s+munya yaw+'na yaka kaapiya waainiya' kin+nnakei w+jaav+na ky+wa' sa' yuneba ny+na. Waainiya daza' yi sa' Gotiyare s+milika naangevine s+na tika w+daya'. <sup>20</sup> Yi ahu'manna yuyara likaanya mena w+na, yi ayahi mugunya piri' mwaryawi. Mabitramaaryawi. <sup>21</sup> Yi liv+ku'j+z+i+mya naange walaab+na. Yi yuyawi s+i+mya pwaina pwainanyara taanga saaig+lyav+irebi' y+na yaka. Daza sigungyav+daa'nyi walaabaka yi a'mweraavi a'ba bwala'na. Yi sahvara wana kayaaka naanga y+ny+na s+i+myangi. Sarev+daa'nyi s+i+mya daza sahvaraavi kayaaka naanga y+galak+wakenna Gotiyari b+raiz+ka w+di+na.

## 17

*Yaasɪwa'na maradakunamaryade naange' tivɪkɪta kayaa'nanya' maarake'nesɪ.*

<sup>1</sup> Ejeliya pwai, ejeliya ata purɪdaa'nyɪ pwaraalyara dɪziya ata purɪdaa'nyɪ daraalya kɪnɪnnakeraaviya pwai yɪ sai baka nɪmɪnyɪ dara widɪna “Kaaja! A'mwe yaasɪwa'na marapɪnamaryade naange' aalya kwalaalyangɪ yɪlamwaalɪke' gannya tivɪkɪta kayaa'nanya' maaradevɪna givwarɪdaakude'nanyɪ.

<sup>2</sup> A'mwe dazasɪ Kwaakevakɪya kingɪyara girɪkita'nanyabwi yadɪvɪsa'. Yɪ a'mwe yuya Kwaakevakɪyara sara kwarajɪ a'mwe dazavɪre waainɪya' ye'mwannanadɪvɪsare. Yɪ waainɪya sa' gamɪre girɪkita'nanyabwi. Yɪ sara yeva a'mwei biyaaya nada yɪmaka widevaajibɪ sahvara yɪraataate lawalawe yɪma'nyɪna yesare.”

<sup>3</sup> Yɪ Kurya Tewaanyai nɪmɪnyɪ dɪragɪnna bulamwaaina kanyɪwa' ejeliya sai kwaaka a'mwera maayabanna nɪmɪnyɪ makuna. Yɪ dazɪmagɪ a'mwe pirɪ' sigyaarya wayaaka pwarɪ munyaba yɪlamwaaidɪ'nyɪ nɪmɪ tɪnna wangamwa. Sigyaarya dazai yɪ sai yaya kwalaalya kɪnɪnnakei gamɪre kɪlaakejɪkɪ. Yɪ yaya yuya daza yɪ Gotɪyarɪna bɪraiyagaala dala pɪnɪnna pɪnɪnnanya. Yɪ sigyaaryai mɪnyagɪnya ata purɪdaa'nyɪ daraalya kɪnɪnnakei yaka mɪnyagɪzaanya atɪraalyajɪyai. <sup>4</sup> A'mwe daza' baazɪ'ma'nya kingɪyaresɪ wayaaka nabinnanyasɪ wakɪnɪke' yɪ dala pɪnɪnna pɪnɪnnanya nɪgwɪlalaaka goliya kɪnɪnnake',

yi nigwilalaa ke sila nawi'nyaangeji turyaanga kwaalike'bita paidapaide yira'nadejiya'. Sa' gamire asiri yi kaapiya goliyai limwagarike'. Yi dala pininna pininnanya Gotiyare tinnyari wana butirinya winnikebwi yi a'mwe dazavire dala pininna pininnanya girike girikita'nanya yadevwi kaapiya dazari yunebanna yi'nadi'nyi. <sup>5</sup> Yi gaminne yayavina gamire yamevi pikarya' wa'di'nyi. Yaya daza' yulyakiyagaalya' kininnake', yi yaya yidasa' sa' daresi. Anga Naanga Baviloni. Yaasiwa'na marapinamaryadivita yuyangi kuvinaange'. Yi Kwaakevakia wana butirinya winnike yuyaburaavi aaya kaavilya'. Yi yaya saresi. <sup>6</sup> A'mwe daza' Gotiyare tewaanyaraavi tamakadesi. Yi a'mwera Jizaazari diraginna limwaga'divi' gaminyina yune jalikurakadivisaraavi tamakina. Yi a'mwe daza' kumire tawe nada (tamakada) yimaka widaasi tinna wangamwa.

Yi nimi dazavi tinna wanganena yi lika yiswaainena atika naanga maru'na'na. <sup>7</sup> Atika naanga maru'na'na kywa yi ejeliyai niminiyi widina "Atika be'na maru'na'mwaa? Yi sawarine yoimavajalikurakyavi aaya kaavilya' givwaridaakudeinyi. Yi a'mwe dazavinaji yi sigyaarya minyaginiya ata puridaa'nyi daraalya kininnakei yaka minyagizaanya atilyajiyai a'mwe dazavi kaanya makuvanikerinaji givwaridaakudeinyi. <sup>8</sup> Yi sigyaarya dazari tinna mena wangamwaanayai yi kigaakuna sai mwalyaakei, yi dahaa' sai mamwaalyi'. Kiri' divi yi sai yirorila daanga maaya dazavidaa'nyi

yidaavadelyi. Yi yilaabathei kayaaka yuya yiwiina yadelyi. A'mwe Kwaakevakiyara Gotiyai Kwaakeva' wakyaakegaa' gamire bukuya gaala mwaalya'niri kuminne yaya' myavikaryaakera. A'mwe dazara sigyaarya dazari wanganapiji sahwara atika maru'na'na. Sinnawi sai mwalyaakei, yi dahaa' mamwaalyikei, yi divi yima'naabathe' atika maru'na'na.

<sup>9</sup> A'mwe simunya kininnakeinyi daakaji, datha' yiniga wi'na pada'galayawirana! M'nyaginya ata puridaa'nyi daraala daza mugunya ata puridaa'nyi daraalyangi. Yi a'mwe daza' mugunya dazangi yilamwaalikengi. <sup>10</sup> Nabaai m'nyaginya daza kingiya ata puridaa'nyi daraalyare. Maremwaaidivisaraaviya atiyara kayaaka mena yineva (bwalareva) yi pwai dahaa' mwaalikei, yi pwai kingiya mima'naabynanyi. Divi sai mena yima'naabozu yi sai yune maalikegaa'na nayaa mwaaladelyi. <sup>11</sup> Yi sigyaarya dazai sinnawi mwalyaakei, yi dahaa' mamwaalyikei yi gami sai kingiya ata puridaa'nyi daraai dalyalyi. Kiru' sai kingiya ata puridaa'nyi daraalyaraavine kwai yi nabaai sai yinahu yiwiina yadelyi.

<sup>12</sup> Yi m'nyagizaanya atiraalyangi gimittiina wangamwaanya, sa yi kingiya atiraalyara yima'nya'nerera. Sahwara kingiya mamwaalyaraavi. Aawa. Sahwara sigyaarya dazalyi kingiya diraginya' maapi'dere. Yi yune aawaaya pirivina (maalikegaa'na) kingiya mwaalibi'dere. <sup>13</sup> Dazara kumi simunya avaala pibwinanyare. Yi sahwara

kumire diraginyasi kumire maremwaalya'ne diraginyabulyi sigyaaryarina yanga wijaavipi'dere. <sup>14</sup> Sahwara sigyaarya dazalyi gaidaa'na yipi'dera Sipizipiya Diwinyalyi mala bwa'nipi'dere. Yi nabaai sahwarav Diwinyai malya' nebulya'na wawilavadelyi. Sai yuya naangeraavina Naangelyi. Yi sai yuya kingiyaraavina Kingiyalyi. Sare'na sahwai wawilavadelyi. Yi nabaai Diwinyai gannyaraji mala daza' wawilapi'dere. Sahwara jaka jiwaramaa'nikera, yune gannyaraha dahilakinikera, gaminyi diraginna limwaga'divisare.”

<sup>15</sup> Yi ejeliya sai niminyi widina “Gimi tinna mena wangamwaanya aalya kwalaalya daza a'mwe yaasiwa'na marapinamaryade' munyaba yilamwaalike, yi a'mwe kilaaka dala nabinyaji'jijyaraji yi kwala bwa'naanyangiyaraji yi ajimya yuyangiyaraji yagaala ge gejyaraji sarera. <sup>16</sup> Yi minyagizaanya atiraala dazangi tinna mena wangamwaanya yuya dazaraji sigyaarya dazalyi sara a'mwe yaasiwa'na marapinamaryadevina similika wimwaaladera gaminyi yikamaanga yima'nipi'dere. Yi sahwaraha sahirivi wana kayaaka yigalakapi yi gamire nigwilalaaka baazi'ma'nya marasipi'de' kannyimaaya mwaalade'. Yi nabaai gamire kilaakejikiya miwisa tika nipi'dere. Yi dikevi yuyaji' marirapi'deziki. <sup>17</sup> Sare' dare'nanyi. Mu'nyadivisara kwara kiri' Gotiyai kumire simunyangi gamire simunya wijaavadelyi. Yi sahwaraha daza yima'nade yipi'dengi, sinnawi sai mena dake' sahiri'na. Yi sahwaraha simunya gave

piri'na wīwaradera, yi diraginya daza' sahwara kingiya maremwaa'lyane' maaresa' yi yuya daza sigyaaryarina wijaavipidere. Yi sahwara kuna yiwopiji Gotiyai yuya yunebanna yajahaa'na gami sai dakenna. <sup>18</sup> Yi a'mwe daza' gimī tinna wangamwaanya', yi anga naanga dazaba kingiya Kwaakevakiyaraavina munyawī mwaaidevera.”

## 18

### *Anga naanga Bawiloni kayaaka yinake'nesi.*

<sup>1</sup> Sangi dididaa'nyi nīmī tinna wanganna yadaazi ejeliya pwai Sigunyavidaa'nyi walaabina. Sai diraginya naanga nebulya' kininnakei yi gamire byaanna Kwaakevaki livamwaja naanga yiwa'. <sup>2</sup> Sai maangwiraaya naange' jaka diraginna dara dina

“Mena bwala'mwa'. Anga naanga Bawiloni mena bwala'mwa'.

Anga naanga Bawiloni saba kayaaka mena yimwa'.

Dahaa' anga saba yimakerā mwaaidivisaba yima'nwa'.

Kulaka kayaa'nanya gazaizalyi saba kave mwaaidivisaba

Yuta girikita'nanya gazaizalyi kayaa'nanya gazaizalyi mwaaidivisabane!

<sup>3</sup> Dare'nanyi. Ajimya yuyangiyara gamire waainiya' nesa'nanyi.

Waainiya diraginya sa' girikita'nanya kwalaalya nadivisasi.

Kingiya Kwaakevakiyara a'mwe  
dazasi girikita'nanyabwi  
ye'mwannayadivisa'nanyi.

Mubiwawinya Kwaakevakiyara dazavi nigwia  
kwalaalya maa'divisa'nanyi.

Dala pininna pininnanya girikita'nanya  
sahirivire saburi

Nigwihiraya kininnakera nigwia naangejiyara  
yima'nadivisa'nanyi.”

<sup>4</sup> Yi nim kadika wi'nadaazi Sigunyavidaa'nyi  
maangwiraaya pir' yinyina. Yi sai dara dina  
“Mwasilaanna dalyaabyi! Nimire a'mweihi  
dazavi dalyaabyi!

Gamire kayaa'nanyaji sahirisi  
ye'mwannemwaala nyipika!

Kayaa'nanyangire tivikita sahirisi giraku'nya  
nyipika!

<sup>5</sup> Gamire kayaa'nanya daza yaaye  
naange'bisangi.

Kuna yima'nigoda yune Sigunyavina yivani'.

Gamire yiwetawakyabwina Gotiyai mena  
yawiramaa'mani'.”

<sup>6</sup> “Pwaihi, daza' tiviki'devaai' yinigevwina  
nayaa dirivikiri!

Gazabwizabwi yakenna tivikita pir'waalya  
nayaa dimaragira'mwagemwaalyi!

Sa' kaapiyari aalya kayaa'nanya diraginya'  
ginyiwadesi.

Kaapiyarine aalya gazasa' tivikita pir'waalya'  
dimaragira'mwagyi!

<sup>7</sup> Sa' yune gaminne yaya' munyaba makida

Kayaa'nanya dala pininnanya kwalaalyabwi  
yadevaai'

Sarimi a'mwe savina daanga kwalaalya  
duzaayila!



Yiniga wi'nanya gamire yade kayaa'nanya daz-  
abwina

Kale kwalaalya wijaaya'na sarimī nayaa  
dirivikirila!

Gamire simunyavina a'mwe sa' dara dadesi.

Kwinīya'nyi mwaihe. Nimi  
kinginamwaalyisavi yilamwaihe.

A'mwei kabaloji yaanyīwaake' mwaaidevaabi'  
sasare'nyi mi'.

Kinna javwi, taanginyabwi nyīma'naabathevwi  
mi'. Arikewi.

<sup>8</sup> Sarevīdaa'nyi yune yirika gave pigaa'na  
wima'nadevulyi.

Kayaa'nanya dala pininna pininnanya sahirivi  
yīma'nadengi.

Baryabulyi kinna kayaa'na jinaryabulyi  
mijikebulyi yīma'nadevulyi.

Gotiya Naangei maryawibwaradei wana  
diragīnaangei mwaalike'na

Dike' Anga naanga Baviloni savi nasi'na yadesi."

<sup>9</sup> Kingiya Kwaakevakiyara sasi  
girikita'nanyabwi ye'mwannayadivisara  
gamire kwalaalya wabahilaakebura

ye'mwannayadivisara kinna, jakinna dipi'dere.

Jisa' kyīma'noji dīkevīdaa'nyi yoji dike'  
savi winadaawoji yi kingiya dazara tinna

wanganapiji yi nabaai sahwara kinna dadivi' yi  
kunnya kihisangi mala tannipi'dere. <sup>10</sup> A'mwe

sahiri' daanga kayaa'nanya' kamaaroji sahwara  
lika naanga yipi'dere. Sare'na yi sahwara

sahirivi menyaba daavapiji yi dara dina

"We! We! Anga Baviloniginyina kale neyiwa'.

Gimi anga naangebagi, anga naanga  
diraginyabagi!

Yune aawaaya pirivina gimire jidasa'  
yima'n+wa'.

Gimire wagilyavina tivikita kayaa'nanya da'  
gima'n+wa'."

11 Yi a'mwe Kwaakevakiyara mubya  
yadivisara anga naanga dazabanna simunya  
yawirapiri kinna dadiv+' savina yi munyi'  
taanginyara mwaabi+'dere. Sare' dare'nanyi.  
Kumire gilyivisa ayahi mubathe'i aane pwai  
kwai mi'. 12 Gilyivita daza yi golyasi silivaayasi  
sila naw+'nyaangeji kwaalituryaangeji  
yi naw+'nyaanga kwaabiyivita yaakeji  
kwaabiyivita kingiyareji kwaabiyivita  
paidapaide y+'de silikaayaji kwaabiyivita wana  
wayaakeji yi yuya y+'naanya dala pininnanya  
wabatirinya kininnakeji yi yuya tinna wan-  
gadiv+' wabahilaaka yadivita elapaan+yaraavire  
saanyaburaavi yavikaryadivisaji yita mubya  
naanga wakadivisa yavikaryadivisaji biraaziya  
kwaari'mayaginyaji sila bwaihira'bwaihira  
yinike kininnake yavikaryadivisaji

13 yi dawaryaji wabatirinya aamona'  
mijata purya'nesi kwaagita wabatirinya  
yiravayihwia'nejji marazinanya dala pininna  
pininnanya tirinya kininnakeji saadaaya  
naw+'nyaji yi waain+yaji welivananya nya'nejji  
pilawaaya girikula ya'ne naw+'nyasi wityasi  
yi bulimakaawoyaraji sipizip+yaraji oziyaraji  
oziyara mwagi'namarya'nejji kilaakejisiyara  
a'mwe gaala kininnakeraji. Yuya daza ayahi  
mubipi+'dera mi'. 14 A'mwe mubya yadivisara

dara dipi'dere “Tika munne daza maarya'na gimire simunya' githikaa'de yi yuya sa giminyi gyahalya'mavaka kaanya mena wiwa'. Yuya tika wapaaya nawi'nyanna nawi'nyannanya mubya naange kininnakeji gimire yuya nigwilalaaka nawi'nyanna nawi'nyannanyaji yuya sa giminyi mena gyahalya'ma'mwakengi. Nabaai gilyivita daza giminyi ayina magwaryadori a'mwera tinna mwanganyi yipi'dengi. Aawa. Arikawi.” <sup>15</sup> Yi gilyivita dazangi mubya yadivita dazara mubadivi' gaminyi nigwia kwalaalya maa'divisara gamire daanga kayaa'nanya' maaradevina lika naanga yapiji gaminyi menyaba daapi'dere. Yi sahwara kinna dadivi' yi munyi' taanginya mwaajib'dere. <sup>16</sup> Yi sara yadivi' dara dina

“We! We! Anga Naangebagini'na kale neyiwaka!

Kwaabiyivita nawi'nyaangeji kingiyaraavireji wana wayaakeji

Yuya saza gimire kilaakevi paidapaide'na baazi'ma'nike'gi!

Yi sa'gi yune kilaakejiki yiwala yiwannadi

Nigwilalaaka goliyajji sila nawi'nyaji kwaanituryaangeji!

<sup>17</sup> Yune aawaaya pirivina gilyivikiravinakebwi gihaimwake'na we!

Nigwia yuya dazaji nigwilalaakeji kayaaka yinyina!”

Yi sipiyavi maremwaala gazaizalyi yi a'mwe gazaizai sipiya mubada piwinna kaanya wiya'nelyi yi yuya sipiyavi yadivisaraji yi saalaalyavi a'mwe yuyara mubiwawinya

kininnakeraji a'mwe dazara Bawiloni menyaba daaveva <sup>18</sup> dikevire jisavi sahirivi dike' winadaasiya' tinna wanganna yadivi' jake' dara danganna "Anga naanga dazaba avaaainanyaba anga naangeba gava warika!" <sup>19</sup> Yi sahwara kwaakevire tirya' kunnya minyaginyangi livama'nyina yeva kinna dina yeva yi munyi' taanginya yima'nyina yeva mwaalina yadivi' jaka dina

"We! We! Anga naangebanna kale ney'wa'.

Nigwia naanga anga naanga dazabanyangine ma'daanyaina

Saalaalyavi sipiyangi kuvinimaangeina nigwihiravinateina yima'nadaanyainera.

Yune aawaaya pirivina kayaaka yiniwake'na we!"

<sup>20</sup> Sigunya'giji Gotiyare tewaanyaihilyi yi Widaasadeihilyi wi'nawijiwaakadivitaihilyi dahaa' yima'n'wake'na sarimi yuyahi yilaaya jila! Gotiyai sahirivi maryawibwaraka kayaa'nanya' tiviki'mwake'nanyi. Sariminyi yihyaka sasare dazabwi tivikisa' wiwake'nanyi.

<sup>21</sup> Yi ejeliya diragimaraanga pwai sila pwai maarina. Aringa sila naanga witiya gila'mwadeibisai. Ejeliya sahwai sila dazai munyaba makina yaka yi saalaalyavi kewininna maralivaranna yaka yi sai dara dina

"Diraginna maralivaramwebaabi' yikamaangera maarina yapi

Anga naanga Bawiloni kewininna diraginna livarabi'devera.

Savi a'mwera tinna ayahi pirisi birawangabi'de' mi'.

22 Giminyaba piradayavire jakesi daata dadiivita  
yagaalyasi

Gwarengireji pihuliyareji kadika ayahi  
gu'nipi'dera mi'.

Aawa nebulyasi. Arikewi. Aane pir'i kir'i  
mu'nyina.

Wawinya dala pininnanyangi sidu'nakeraavi  
ayahi birawangabi'dera mi'.

Giminyi sasarei mwaaidoriyai aane pwai kwai  
mamwaalyina.

Silyare jake' witiya gila'mwadaawori ayahi  
gu'nipi'dera mi'.

Gimire mijike'na tika wapaaya pir'i kir'i mwa-  
rina.

23 Laamivananyavire di'baake' giminyi ayahi  
pirisi givade' mi'.

Maangwiraaya kwala maarya'nere'  
maa'nya'nevire' ayahi gu'nipi'de' mi'.

Giminyaba sasareyore aane pir'i kir'i mu'nyina.

Dare'nanyi. Gimire mubiwawinya kininnakera  
Kwaakevakia naangera!

Ajinya yuyangiyaraavi gimire giri'nyanna  
kwaasikuna wijiwaalaginya'gi!

24 Gaminyi yiwetawakyaba tawe  
wi'nawijiwaakyaraaviresi  
Gotiyareraaviresi wari'.

Anga naanga dazaba sahwaravi yune  
tamakadivisaba!

A'mwe Kwaakevakia yuyaraaviji  
tamakadivisaraavine yiwetawakya  
wari'."

# 19

*Sigunyavi “Aawi!” daata dadivi' Gotiyarina yilaaya yesa'nesi.*

<sup>1</sup> Sah+n+ngi d+idaa'nyi jaka naangebisa' Sigunyavi kwala naangeraavire' n+mi kadika w+nyina. Yi sahwarara dara dina

“Nemi Gotiyarine yaya' munyaba makilaa!  
Aaleluya!

Nemire Gotiyai yune gave sahwaraina nevadai-  
hasamaarya'nebulyiyai!

Byaanna kin+nnakei diraginyabwi kin+nnakei  
yune mwaalikei!

<sup>2</sup> Dare'nanyi. Gotiyai maryaw+bwa'denna neb-  
ulyabwi yunew+inna y+da'maraangesi.

Yaasiwa'na maradakunamaryade naange'  
Kwaakevak+yaraavi kayaaka y+galakadesi.

Gamire girikita'nanya sabulyi' sahwarav+  
kayaaka y+gaidesi.

Sarev+daa'nyi Gotiyai sahir+vi daanga  
kayaa'nanya' tiv+ki'mwake'nanyi.

A'mwe daza' Gotiyare yaasiwa'waw+inya saraav+  
tamakadesi.

Kumire tawe'na gannya yiwetawakya daza'  
tiv+ki'mwakesi.”

<sup>3</sup> Yi sahwarara pigasaai jaka ayahi dara dina  
“Nemi Gotiyarine yaya' munyaba makilaa!  
Aaleluya!

Dikevire jisa' anga naangeba dike' nivan+!  
Yi jita daza' munyaba yuyagaa' yuyagaa' yi-  
manaawi!”

<sup>4</sup> Yi a'mwe naanga at+z+v+il+raai yaka pware  
asiri' daraai daraalyaraji gaala kin+nnaka daraai  
daraalyaraji sara kwaakew+inna walaruta'neva

Gotiyarına kinginamwaalyısavı mwaalikerına  
lotuya yına. Lotuya yına yadıvı' dara dına

“Sahırısi. Nebula naangesi.

Gotiyarine yaya' munyaba makılaana!”

<sup>5</sup> Yi Gotiyare kinginamwaalyısavıdaa'nyı  
maangwıraaya pıri' jaka yınnıgavına. Dara  
dına

“Gotiyare yaasıwa'wawınya yuyaihi

Gotiyarına lika yadıvısaihi

Kwaakewınyaihiyi munyabanyaihiyi saihi

Nemıre Gotiyarı munyaba dımakılıla!”

<sup>6</sup> Yi kwala naangera yi'bwala'nemwaaidapiya  
jake'bi', saawıla naange yıdaa'nyıya jake'bi',  
yi'munya naange pıdaa'nyıya jake'bi' yi nımi  
kadıka wı'nyına. Daza' jaka dına

“Nemi Gotiyarine yaya' munyaba makılaa!

Aaleluya!

Naangei nemıre Gotiyai Dıragınya Yuya

Kınınakei

Dahaa' sai kingıya nebulyai yuna

mwaalike'nanyı.

<sup>7</sup> Dahaa' nemıre munyi' nawı'nya yına yawaajı

Yi nemı yılaaya naanga kuna yawaajı

Gamınne byaannya' munyabanna nayaa  
makılaa!

Yırıkegaa' Dıwınya Sipızipıyai kwala  
maarya'negaa' yıma'nıwa'.

Yi gamıre a'mwe' gamıza' yavada'gainya yıwa'.

<sup>8</sup> Gotiyai savına baazı'ma'nya yaake' wıjaavına  
yıwa'.

Baazı'ma'nya wana nawı'nya' wana livamwaja  
yadaasiya'

Wana tirimaaya nebulya' gannya kilaakejiki wak'wa'."

Sare' dare'nanyi. Baazi'ma'nya yaaka nawi'nya daza' yi Gotiyare tewaanyaraavire wawinya yida'maraangengira.

<sup>9</sup> Yi ejeliyai niminiyi widina "Yagaala datha' pikarya jitha!! A'mwe dazara Gotiyai jaka jiwwaramaarakera munne naangevi Diwinyai kwala maarya'nevina biwaasara yilaaya yadivi' tewaanaanga winadere." Yi sai niminiyi widina "Yagaala daza yi sa yagaala nebulya'nanya Gotiyarengi." <sup>10</sup> Sara widina kany'wa' nimi kwaakewi gamire sivilyiraaryaba gidikusaba walaruta'nyina. Yi nimi sahwarina "Lotuya yima!" dena kiri' sai niminiyi widina "Gimi sasara minna! Gimiji gimire ja'mwera kwaraji yaasiwa'wawinya ye'mwannawidaayadinyainyi. Sarimi Jizaazarina diragina limwadivi' yi wijal'kurakadivisaihilyi. Sasareihire avaiwawinyainyi. Yi Gotiyai yune gave pwainanyari lotuya nayaa diragina ji! Sare' dare'nesi. Jizaazarina wijal'kurakyabwi yi Kurya Tewaanyai wi'nawijiwaakyaraavi yidika'daa'nyi wijiwaakadivita sasare dazabulyi."

*A'mwei oziya yaakeri munyaba yilamwaalake'nesi.*

<sup>11</sup> Yi nimi tinna wangadaazi Sigunya' kaanya basinadaa'na yinikevi, yithaanyi, oziya yaaka pwai mwaalina. Sari a'mwei yilamwaaina. Gaminne yaya' yi darei.



Gotiyare yawita yuyangi nayaa limwaga'dei,  
 yi nebulya'ne aaya kaavilyai. Nabaai sai yune  
 yida'maraangeburiina pada'galam+id+devi yi  
 a'mweraavi kotiyavi maryawibwa'da yi sai  
 malya' bwa'delyi. <sup>12</sup> Gamire tinnyai ditaalisa'.  
 Gamire minyaginyavi kingimwaaihi'nya  
 kwalaalya warike. Gaminne yayavine pikarya'  
 kininnakei. Yaya dazavi aaya kaavilya'  
 gami gave yune sahwaina yawi'delyi. Yi  
 a'mwe pwara aawa. <sup>13</sup> Gamire baazi'ma'nya  
 yunewinna yalawakya saamigwazaaya gami  
 wakika sa' tawevi jiwiniakesi. Yi sahwari  
 yaya' dara wo'nikesi. Gotiyare gaminyina  
 Yagaalyala! <sup>14</sup> Aamiya Sigunyaviyara kunnya  
 oziya yaakeraavi yilamwaaina yeva sahwari  
 dividaa'nyi midinna. Kumire kilaakejikaavi  
 baazi'ma'nya yaaka wana giri'maaya  
 nawi'nyaange yira'nevera. <sup>15</sup> Yi oziya  
 yaakeri yilamwaalika dazare maangevidaa'nyi  
 kwaari'masiraminya walyaabinike'.  
 Kwaari'masiraminya daza' saamigwazaaya'  
 wana lika gurimaanga di'bwarakinike'. Yi  
 nabaai dazasi sai a'mwe ajimya yuyangiyaraavi  
 tamakade'nanyi. Yi nabaai gami sai yita  
 aayiniyari' limwagaroji sahwaraavi diraginna  
 maremwaaladelyi. Nabaai gami sai sila  
 naanga giraipiya tima'mwanga ya'nevi  
 waainiya' gila'mwagathelyi. Waainiya daza'  
 yi Gotiyai Diraginya Yuya Kininnakere similika  
 naangevine sinna tika widaya'. <sup>16</sup> Sai gamire  
 baazi'ma'nyavi gamire timunyawivi gaminne  
 yaya' pikarya yida'nikei. Yaya daza' yi dare'  
 "Yuya kingiyaraavina Kingiyai yuya naanger-

aavina Naangela.”

17 Yi nimi tinna wanganna yadaazi nyilyari ejeliya pwai daavina yada yuta yuyara yiraayavi munyaba pilavamaryadaapiyaraavi maangwiraaya jaka naange' danganna. Yi sai dara dina “Sarimi yikabapi Gotiyare munne naanga dathavi dizibwa'nyi! 18 ‘Yi a'mwe baimwaasaraavi tika naana! Yi kingiyaraavire kilaakejikaaviya miwisa, yi miwita aawilasaraavi maremwaaidivisaraavireji, yi miwita a'mwe diraginaangeraavireji yi miwita oziyaraavireji a'mwe oziyaraavi yilamwaaihasaraavireji tika naana!’ dapi dizibwa'nyi! ‘Yi nabaai a'mwe yuya pwara kwaraavire kilaakejikaaviya, a'mwe kave mwaaihasaraavireji a'mwe yaasawa'wawinyaraavireji yi a'mwe maalikeraavireji yi a'mwe naangeraavireji miwita daza tika naana!’ dapi dizibwa'nyi!”

19 Yi nimi tinna wanganna yadaazi sigaarya dazalyi yi kingiya Kwaakevakiyaraji kumire aamiya aawilasara kwaraji sahwaru mena yibwa'nyina. Sahwara “Mala bwa'naade'nana,” deva “A'mwe oziyari yilamwaalika dazalyi gamire aamiya aawilasaraaji sahwaru mala ye'mwannabwa'naade'nana,” deva mena yibwa'nyina. 20 Yibwa'nyina kyiwaa' kiri' oziyari yilamwaalikei sigyaaryariji winawijiwaakade kwaasi dadei sigyaarya dazare tinnyari yijiwaala kwalaalya yaderiji wila galyina yiwa!. Yi kwaasi yijiwaaide sasare dazaburi winawijiwaakade kwaasiya dazai a'mweraavi sigyaaryare baave' maarevera

yi gamire a'mwa'mwe savi lotuya yevera saraavi kwaasi wiakebulyiyaraai. Sigyaarya dazariji kwaasiya wi'nawijiwaakade dazariji sara galyi'na yaka saraai gaala kuna mwaaihiyaraari di'bunya naangaangevi di'daanya naange' nivanikevi sila saalipaaya' nivanikevi kewininna maralivaranna yiwa'.  
<sup>21</sup> Yi dazai oziyari yilamwaalika dazai a'mweraavi kwaari'masiraminya daza' gamire maangevi daa'nyi walyaabinika dazasi tamakina yakere. Yi yuta yuya dazara a'mwe dazaraavire miwisa tika maranyina yeva yi kumire munyi' yunebanna winyina.

## 20

*Saataani kalavuzal kwaramel 1000  
 yi'namwaalade'nesi.*

<sup>1</sup> Yi nimi tinna wanganna yadaazi Sigunyavidaa'nyi ejeliya pwai walaabina. Gamire asiri yirorila daanga maayavire kiya' limwagarikei. Yi sai kwaari'ma'magazaawanya naange' kirisi limwagarikei. <sup>2</sup> Sai kabaraawarya dazari galalimwanna. Kabaraawarya sai kamaala wana sinnawi kigaakunanyai. Sai Yuyaraavi Kotiya Maryadei. Yi sai Saataani, Yikamaangei (Siwaakei). Yi ejeliyai kabaraawarya dazari yune kwaramel 1000 waani taawizaniya kalavuzal yiramwaaihya'neri kwaari'ma'magazaawanyasi wila galapwiyina yaka <sup>3</sup> sahwari yirorila daanga maayavi kewininna maralivaranna kiwa' sarei kewininna walaawina. Maralivaranna yaka

a'badaa'nyɨ kaanya' sahwarɨ yɨlarihi'na yaka dɨragɨnna jɨbwekɨna, baave' wakɨna. Saataanɨ kwaramɨ 1000 bawodehaa'na ajɨmya yuyangiya a'mweraavɨ kwaasɨ ayɨna muja'nerɨ kaanya' jɨbwekɨna. Yɨ dɨvi sagaa' kwaramɨ 1000 mena kabwawojɨ ejeliyai yɨralavadelyɨ. Yɨ sai yaasiwa' yamarina yadelyɨ yune maalikɨgaa'na.

4 Yɨ nɨmɨ tɨnna wanganna yadaazi kingɨnamwaalyɨta pɨnɨ wa'di'nyiyangi yɨ pwara yɨlamwaaɨha'. Sara kotiyavɨ maryawɨbwarya'neraavɨ Gotiyai sasare wawɨnyavɨne dɨragɨnya' wijaawakera. Nabaai nɨmɨ tɨnna wanganna yadaazi a'mwe kwalaalyaraavɨre kuryara. Sahwara Jizaazarɨna nayaa jalɨkurakevera, yɨ Gotiyare yagaalya' dɨragɨnna lɨmwagarevera. Yune sahirɨvɨne'na yɨkamaangera sahwaravɨ pwaraavɨre tilɨnnya woripuresara. Yɨ sahwaravɨ pwaraavɨ tamakɨna yesare. Yɨ sahwara sɨgyaaryarɨ lotuya myadɨvɨ' yɨ gamɨre a'mwa'mwerɨjɨ lotuya mi. Yɨ sahwara gamɨre baave' kumɨre yamengɨjɨ kumɨre asangɨjɨ mamaaryevera. Yɨ sahwara balesara gaalya' ayɨna maareva yɨ kwaramɨ yune 1,000 dazagaa' Kɨraazɨtɨyalyɨ kingɨya mwaaiha'. 5 Daza' yɨ a'mwera ayɨna dɨkaapɨ'dehaa' aaya mudɨ'nanyagaaki. Dazagaa' a'mwe bainɨka pwara gaalya' mamariwaa'. Sahwara yemwaala yɨga' kwaramɨ 1,000 sagaa' mena kabawojɨne'na. 6 A'mwera ayɨna dɨkaapɨ'de aaya mudɨ'nanya dazagaa' sahwara yɨlaaya yadɨvɨ' tewaanaanga winadera mwaalapɨjɨ yɨ Gotiyare tewaanyara nawɨ'nya tewaanya mwaaiɨbɨ'dere. Yɨ nabaai baryabwi sa'

pigasaalya' a'mwe dazaraavi marulawakya'ne diraginya maayasi. Aawa. Sahwara Gotiyarina mubithika yira'divisare. Yi Kiraazitiyarina yira'divisare. Nabaai sahwara kwarame waani taawizaniya sagaa' Kiraazitiyalyi kingiya ye'mwannamwaaibi'dere.

*Saataanimi wavilavade'nesi*

<sup>7</sup> Divi kwarame 1,000 waani taawizaniya sagaa' mena kabwawoji gamire kalavuziangeviya kaadihisa' kabaasoji Saataani gamire kalavuzavi yagalya'mavadelyi.

<sup>8</sup> Sarei mwasilaa walyaabozi a'mwe ajimya yuyangi yaraayawinna kwaasi yagaala wija'nei wina. A'mwe kwaakeviya tivimaginya dawaai dawaalyabanyara yi Kwaakevakiya yunewinyara yi Gohiyaraji Maahohiyaraji saraayawinna wina. Saataani sahwaravi mala bwa'nya'neraavi mari'bwari'mwaaihadere. Kumire ata gilya saalaalyavi maangebaariya siweka sabisingi.

<sup>9</sup> Sarera kwaaka saba yuneba yidaawadivi' Gotiyare tewaanyaraavire wa'mwaryaba, anga naangeba Gotiyari tewaanya wivu'nivanikeba yi saba yuneba kurita ghi'mavamwaimwaataraav'nera. Kiri' dike' Sigunyavidaa'nyi walaabozi mala bwa'nadaapiya saraavi dika nakiwakeraav'nera.

<sup>10</sup> Yuyaraavi Kotiya Maryadei sahwaravi kwaasi widade'na sare'na Gotiyai di'bunya naange' di'munange'na yadaa'nyiyavi sila saalipaayavi nade sav' kewin'na maralivaranna. Di'bunya sa' sigyaarya dazalyi kwaasi wi'nawijiwaakyabwi

dade dazalyi saraai mena mwaaidakilyi dazahirivi. Sarevi daraai dala sara daanga naange' maapi'dere nyilyaviji sawisaviji yuyagaa' yuyagaa'ne'.

*Naangegaa' maryawibwata naange' yima'nadevwinesi.*

11 Nimi tinna wanganna yadaazi kinginamwaalyita naanga yaake' wa'di'nyinabaai namwaalyita savipwai yilamwaali'. Sahwari Kwaakevasi sigunyavasi likaanya yenadaa'na yaka yimaanyina. Kirimi sawaareba kuneba. 12 Nabaai nimi tinna wangadaazi yi a'mwe bainikera, kwaakewinyarajimunyabanyaraji sara mwaaidapiyaringinamwaalyita dazavire kusimagi daavina. Nabaai namwaalyisavi yilamwaalikei sai bukuya piningi tilaayina. Sai bukuya pirisi maarina. Bukuya si gaala mwaalya'ni. Bukuya sangi pikarya yida'nikengi tinna wanganaka kumire yeta yuya sabwina a'mwe bainikeraavi maryawibwa'mwakere. 13 Saalaalya' gaminyi a'mwe yuya bainika mwaaihasaraavi ayina wijaavina. Nabaai Baryabulyi Bainikeraavire Angebaji sawari a'mwe yuya bainika wilamwaaidapiya saraavi ayina wijaavina. Mena ayina wijaavina kiwaaibainika saraavi gazaizari gamire yake yune sabwina maryawibwata yiwakere. 14 Di'bunya naangevi dika nivanika savina Baryabulyi Bainikeraavire Angebaji sawaai marasi'na yiwakelyi. Di'bunya naanga daza' barya pigasaalyasi. Ayawidaa'nyibalyasi

daza'. <sup>15</sup> Nabaai Naanga maryawibwa'dei a'mwe pwarine kwarine yayavi bukuya gaala mwaalya'ne siriri mabiranganyoji sarevi, yithaanyi, a'mwe sari marasi'na y'wa' di'bunya naanga dika nivanikevina.

## 21

*Sigunya mudikevakinjaji Kwaaka mudikevakinjaji dinike'nesi.*

<sup>1</sup> Yi nimi sigunya mudikevasi Kwaaka mudikevasi warikewaa wangamwa. Sare' dare'nanyi. Sigunya aayagaasiyavasi Kwaaka aayagaasiyavasi yunakaanna wina. Nabaai saalaalya' kirisi mwarina. <sup>2</sup> Nabaai nimi tinna wangamwa anga tewaanya dazaba Jeruzaalemi mudikeba. Anga naanga dazaba Gotiyai yasaabina ky'wa' Sigunyav'daa'nyi anga daza' walaabina. Nigwilalaa'baaka naw'inyajiya', a'mwe' kwala maarya'ne' nigwilalaaka naw'inyaange tida kwala maa'nya'negaa' gannya a'mwerina yemwaaidevaabi' walaabina. <sup>3</sup> Sare' nimi kadika wi'nyina yadaazi kinginamwaalyisav'daa'nyi maangwiraaya pir'i yinyina. Yi jaka naanga diraginna dara dina "Yithaanyi! Dahaa' Gotiyare seli ange' a'mweraji ye'mwannamwaalika! Sahwaraavi tinnyaba waradesi. Yi gamire byaannya' kuminyi ye'mwannarika! Nabaai sahwarera mwaabi'dere. Yo, Gotiyai gami kwalyi ye'mwannamwaaladelyi. <sup>4</sup> Kumire kidalaabirika tinnyaraavi w'warike gazasa' yaalika yimwagathere. Baryabwi

ayahi waradevwi mi'. Yi a'mwera ayahi baibi'dera mi'. Simunya' taanga ayahi winadera mi'. Jakinna ayahi dipi'dera mi'. Daangeji maapi'dera mi'. Sinnawinya sa mena yuya yiwina yiwake'nanyi."

<sup>5</sup> Kinginamwaalyita dazavi yilamwaalike sai dina "Yithaanyi! Nimi yuya sa mudike yavikarivanigengira." Sara daka piri'si dina "Yagaala daza pikarya jithaka! Yagaala daza yuyara diraginna lmwabizannaji naanga nebulya'nanya warike'naji sara jithaka!" <sup>6</sup> Sara daka niminyi ayahi widina "Yuya sa mena yima'n+waab+kengi. Nimi sahwayi, nimi aaya sinnawinyainyi (A). Aaya divineinyi (Z). Nabaai yuya sangine'na aaya kaavilyainyi. Yuya diraginya sa yunebanna yimwannadinyainyi. Nimi sahwayi a'mwe aalya'na mijika baimanikerina aalya yanga naanga wijaavidelyi. Aalya sa' nade'na aaliyiminyavi gaala mwaalya'ne!. Nimiye yanga naanga dazabwi sihumale yanga wijaavidelyi. <sup>7</sup> Nabaai a'mwei mala bwa'nyaburi yunebanna wavilavajai yi nimiye yanga naanga daza' maaradelyi. Gan+maangei gannya kaim+raayaraavina wijaavadevaai' dathavwi maaradelyi. Nimi gaminyi Gotiyainyi mwaal+delyi. Nabaai sai niminyi nyibwaalivaangei wimwaaih+wijai mwaaladelyi. <sup>8</sup> Kiri' a'mwera lika yina Kiraazitiyarina 'Aala! Nabaimudika!' dina ayina ginyira'divisaraji a'mwe diraginna malimwagaryadivisaraji a'mwe girikita'nanya dala pininna pininna yadivisaraji a'mwengi a'mweraavi tamakadivisaraji a'mwe ata



limwadiwisaraji a'mwe giri'nya yadivisaraji a'mwe kwaasigotiyaraavi lotuya yadivisaraji a'mwe yuya kwaasi yagaala dadivisaraji sara kuminne tivikita daresi. Di'bunya naangevi sila saalipaayavi di'munange'na yarikevi sahwaravi marasi'nadere. Sa' yi Baryabwi Ayawidaasasi."

<sup>9</sup> Ejeliya pwai, ejeliya ata puridaa'nyi daraalyara diziya ata puridaa'nyi daraalyangi maangengi a'mweraavi kayaaka yigalya'ne yeku'naka aaya kininnakerajiya pwai, yi sai baka niminyi dara widina "Kaaja! Kwala maa'nya'ne sidiraaya' Sipizipiya Diwinyarine a'mwewina givwaridaakude'nanyi."

<sup>10</sup> Sara widina kanyiwa' yi Kurya Tewaanyai niminyi diraginya yivaimwanna kanyiwa' ejeliya sai mugunya naanga ke'mwewinya pirivina niminyi makuna. Sara nyaka Anga Naange' Jeruzaalem' Naw'nya dazaba yibwaridaakuna. Anga daza' Gotiyai yasaabina kyiwa' Sigunyavidaa'nyi anga daza' walaabina.

<sup>11</sup> Gotiyare byaanna naange' anga naanga dazaba mwadaavina. Savire baaka wanyiwanya' yuna nabinya pri'bisal' wanyina, sila nigwia naanga mubadivita sangire baaka sal'bi' wanyina. Yi daza' sinimwavanahurika naangebisa', yi wana tirimaaya nebulya'nanya' sigujaaka sirimya'bisal' wanyina.

<sup>12</sup> Anga naanga dazaba sikurita naanga yinike' yune ke'mwewinanya'. Kurita savi tikurya atiraai sivilyiridaa'nyi pwaraalya warina. Sare' nabaai tikurya pirivi ejeliya pwai aya kiba gaidaa'na. Pirivi pwai, pirivi pwai gaidaa'na. Yi yuyangi

ejeliya atiraai sivilyiridaa'nyi pwaraalyara aya kiba gidaa'na. Nabaai tikuryangi Yizireliyaraavire yisavaakidaa'nya atiraai sivilyiridaa'nyi pwaraalyavakaavine yaya pikarya yida'nikengira. <sup>13</sup> Sikurita nyilyai bilyiri'dimagi kaadihita dawaai dasa' daavina. Nabaai sikurita pimaginiyavi kaadihita dawaai dasa' daavina. Nabaai sikurita pimaginiyavi kaadihita dawaai dasa' daavina. Nabaai sikurita nyilyai walakadimagi kaadihita dawaai dasa' daavina. <sup>14</sup> Sihurita anga naanga dazabanne sa' kaavilyawi sila diraginiya yivaimwagya'ne atiraai sivilyiridaa'nyi pwaraalya kininnakesi. Nabaai sila saraavi Sipizipiya Diwinyare Widaasade atiraai sivilyiridaa'nyi pwaraala saraavine yaya kininnakengira.

<sup>15</sup> Ejeliya dazai nimirji yagaala ye'mwannadina yivanikei yita goliyaginyari' limwagi'kei. Anga naanga saba kaadihisingiji sikurisaviji yaamijiyita ya'neri' limwagi'kei. <sup>16</sup> Anga naanga dazaba yuna girila'nya yivanika. Gamire saaminnyavasi gamire naangevasi yuyavakaai avainanyavakaalyi. Sahwai gamire yisaris' yaamijita yina ky'wa' anga naanga sabanya saaminnyava' sitethiya tiwelivi taaw'zaniya yima'nyina (2,400 kilomitaaya). Saaminnyavasi sikurisaviya naangevasi anga naanga dazabanne yunebanya' munya ke'beva yilaawina yinikebaji yunebanya yuya sa avainanya. <sup>17</sup> Nabaai sikurita kiriviji yaamijita yina y'wake' sikurisa' yune angajina 144 kyuvitiya (72 mitaaya) yima'nyina. Metaaya daza' a'mwera yuyangi metaayimiya yadivisa'

avaalyasi. Ejeliyai yaamijiyita sa' sikurisavi yune metaaya sahirisina yiwakesi. <sup>18</sup> Anga naangebanya sikurisa' Gotiyai sila nawinya jaazipaayasi yavikaryakesi. Nabaai anga naanga saba yune goliyasina yavikaryakebe. Sarevi anga naanga saba sinimwavanahurike'bi' bwamwadiwina. <sup>19</sup> Anga naanga saba sikurikevi kaavilyawi sila nawinya dala nabinabinya nigwia naanga mubadivisaji Gotiyai yawaala yiwagakengi. Aayagaasa (1) sila nawinya sikurisavi kaavilyawinyai jaazipaayai. Nabaai ayawidaa'nyai (2) sila gwaagwaaja sapaayai. Nabaai daraai dalyai (3) sila ahetiayi. Nabaai daraai daraalyai (4) sila yikiwa'ja emeraliyai. <sup>20</sup> Nabaai atilyai (5) sila wayaakejisi yaakejisi warike saathonikiziyai. Nabaai ata puridaa'nyi pwainanyai (6) wayaaka tawaja konyilinyai. Nabaai ata puridaa'nyi pwaraalyai (7) sila awi'ja kirizolaaitiyai. Nabaai ata puridaa'nyi daraai dalyai (8) sila saalaalyavi yijuza berilyai. Nabaai ata puridaa'nyi daraai daraalyai (9) sila nabinnanya awi'ja topaazyai. Nabaai atiraalyai (10) sila yikiwa'jajisi awi'jajisiyai kirizopirezai. Nabaai sivilyiridaa'nyi pwainanyai (11) sila nabinnanya gwaagwaaja aayazidiyai. Nabaai sivilyiridaa'nyi pwaraalyai (12) sila nabinnanya wayaaka ametiziyai. <sup>21</sup> Kaadihita atiraai sivilyiridaa'nyi pwaraala sa nabaai kwaanituryaanga mubya naanga yadivita sivilyiridaa'nyi pwaraalyangi. Kaadihita gazasa' yi sa' kwaanituryaanga naanga yune pirisina yavikarinikesi. Anga naangeba tuta yuyangi yune goliya'nanyasi. Goliya giri'maaya'

widiwaayavire gilaaziya'bisasi.

<sup>22</sup> Anga naanga dazavi Gotiyarine Anga nawinya' tinna mwanganywa. Mamannyika sare' dare'nesi. Naangei Gotiyai Diraginya Yuya Kininnakei, yi Sipizipiya Diwinyalyi Gotiyarine Anga nawinyasi. Gazabazaba yilaaya

wiadivisa'nanyi. <sup>23</sup> Nabaai anga naanga dazaba wanyiwanya ya'na nyilyalyi lawelyi saraarina wigainadeva mi'. Sare' dare'nesi. Wanyiwanya yune naanga Gotiyare'na wannadevanna anga saba. Yi gamire byaannya' wannadeva. Nabaai Diwinyai sahibanne wanyiwanya di'baakelyi.

<sup>24</sup> A'mwe ajimya yuyangiyara anga naanga dazabadaa'nya wanyiwanya baakevi kaanya yamaripi'deve. Nabaai kingiya Kwaakevakiyara sahibanne kumire nigwilalaakeji byaannyaji makabipi'deve. <sup>25</sup> Yirikegaa' sikurita saviya kaadihisangi kaanya tihipi'de mi'. Arikewi.

Yuyagaa' basinadaa'na yade. Sare' dare'nesi. Anga naanga saba sawisa' jinnadeva mi'.

<sup>26</sup> Sahibanna ajimya yuyangiya byaannyaji yaya munyaba makilya yuyabulyi makwibi'dengi.

<sup>27</sup> Gilyivita giri'naka aane piri' kiri' wilade' mi'. Gotiyare tinnyari wana butirinya winnikebwi yade aane pwai kwai aane piri' kiri' wiladei mi'. Kwaasi yagaala yade aane piri' kiri' aane pwai kwai wiladei mi'. Arikewi. A'mwe kumire yaya bukuya gaalya'nyiri Diwinyare bukuyiri yida'nikera, yune a'mwe dazahwarana wibi'dere anga naanga dazabanna.

## 22

<sup>1</sup> Nabaai ejeliya dazai aalya naange'

walyivaniika pirivina niminyi yibwaridaakuna. Aalya daza' aalya gaala'ne sa' yuna sinimwavananya'bi' aaiziyab' kimihita yadaa'nyiya'. Yi aalya daza' Gotiyalyi Sipizipiya Diwinyalyi sanidaare kinginamwaalyita savidaa'nyi yima'naka <sup>2</sup> anga naanga dazabanna tutaanya naangevi tinnyaba walyuna. Aalimaangebaari dihiriji kengihiriji yita gaala ya'nyi' waayi'. Kwarame pirivi tika munne atiraai sivilyiridaa'nyi pwaraai y'nadengi. Yuya lawe sikaavi yisila daza y'nadengi. Nabaai yita sare yikiwasa ajimya yuyangiyaraavi tewaanya nawinya yima'nya'nengi. <sup>3</sup> Nabaai Dikevi wimarasinya'ne gazasa' kunebe. Yuya daza ayina warade mi'. Gotiyalyi Diwinyalyi sanidaare kinginamwaalyisa' anga naanga dazaba waradevanyi. Nabaai Gotiyare yaaswa'wawinyara gaminyi lotuya wimaripi'devanyi. <sup>4</sup> Nabaai gamire sinnyi' wangabi'devanyi. Nabaai gaminne yaya' kumire yamenginyira. <sup>5</sup> Sawisa' ayahi jinnade' mi'. Sarevi nabaai sahwaravi laamivananyavire baakesi nyilyare baakesi sawarina ayahi wigainade' mi'. Naangei Gotiyai sahwaravi baake' wijaavade'nanyi. Nabaai yuyagaa' yuyagaa' sahwar kingiya mwaaibi'devanyi.

*Jizaazai walaabatherines.*

<sup>6</sup> Nabaai ejeliyai niminyi dara widina “Yagaala yuya daza yuna naanga nebulyangira. A'mwe yuyara sahningina diraginna limwabizangi. Naangei Gotiyari wi'nawijiwaakadivisaraavire kuryaraavi

dihaa'bwadei gamire yagaalya' wijiwaakya'na gamire ejeliyarì maryasaabakelyì. Gamire yaasiwa'wawinyaraavi wibwaridaakwia'na yuya daza yime'nyabì' yima'nyanenna maryasaabakelyì. <sup>7</sup> 'Yithaanyi! Nimi yime'nyabì' walaabideinyireva.' A'mwei yagaala bukuya davi warike midinajai yi yagaala Gotiyai githwake wi'nama'mwaanya wi'nawijiwaakiyagaala daza midinajai y a'mwe dazai yilaaya yada tewaanaanga winadelyì."

<sup>8</sup> Joninyi yagaala dazahini kadika wi'nenayuya dazahini tinna wangamweinyi nimi. Kadika mena wi'nenay tinna mena wanganena "Sahwari lotuya yima!" dena kwadaai gilina yena ejeliyare sivigi'nyiryawi yuya daza nyibwaridaakwakeryawi walamwaaina. <sup>9</sup> Mena walamwaaina kyiwa sahwai niminyi widina "Gimi sasara minna! Gimi gi mire ja'mwera kwara wi'nawijiwaakadivisaraji ye'mwannawidaayadinyainyi. Avaaiwawinyainyi. Nabaai a'mwe yuyara bukuya davire yagaalya mididivisaraji avaiwawinyainyi. Yi Gotiyai yune gave pwainanyari lotuya nayaa diraginna ji!"

<sup>10</sup> Nabaai sahwai niminyi widina "Gotiyare yagaala daza kadika wi'nama'mwaanya wi'nawijiwaakiyagaala daza bukuya dathiri warikengi mamarabiku'dinnera! A'mwera wangabika! Sare' dare'nanyi. Gotiyare daza ya'negaa' aya kigaa' mena yiwaka. <sup>11</sup> 'Aayagaa' sagaa' a'mwei yida'maraangebwi marasi'nikei kayaa'nanyabwi yadei kayaa'nanyabwi kuna yana! A'mwei kayaa'na girikita'nanyabwi

yadei kayaa'na girikita'nanyabwi kuna yana!  
 Nabaai a'mwei tewaanya yida'maraangebwi  
 yadei tewaanya yida'maraangebwi kuna  
 yana! A'mwei naw'nyai girimaayai  
 mwaalajai naw'nyai girimaayai kuna  
 mwaalaneva!' <sup>12</sup> Yithaanyi! Nimiyime'nyab'  
 walaabideinyira. Nimire tivikisabwi  
 limwaga'muj' walaabideinyi. A'mwe  
 gazarizari gamire yade yune saburine'na  
 wirivikideinyira. <sup>13</sup> Nimiyime'nyab' (A).  
 Aya divineinyi (Z). Yi nimiyime'nyab'  
 aya kaavilyainyi. Yuya diraginya sa  
 yunebanna yimwannadinainyi.

<sup>14</sup> A'mwera kunnya baazi'ma'nya aalya  
 yipijara yilaaya yadivi' tewaanaanga  
 winadere. Sarera 'Tika munne yita  
 gaala'nyiki yiniga maranaana!  
 Anga naanga dazabanne kaadihisang'  
 yiniga wilawaana!' deva yipinerera.  
<sup>15</sup> Gotiyare anga naangeba  
 mwasilaa jilikeraji a'mwe giri'nya  
 yadivisaraji kayaa'nanya girikita'  
 nanyabwi yadivisaraji a'mweraavi  
 tamakadivisaraji a'mwe silaangeraaviji  
 yisaraaviji kwaasigotyaraaviji  
 widadivisaraji gazarazara kwaasyabwina  
 wivu'nadera kwaasi yadivisaraji a'mwe  
 dazara mwalibainyina yipi'dere  
 mwasilaa. Anga nawi'nya sav'  
 wilaabipi'dera mi'."

<sup>16</sup> "Nimiyime'nyab' Jizaazainyi  
 nimire ejeliyari sariminyawinna  
 yihimaryasaabiwa. Niminyine  
 kusilaanyangya anga geva  
 gevanyaihirina yagaala daza  
 jalikurakya'neri yihimaryasaabiweinyi.  
 Nimiyime'nyab' sahwayinyi  
 Yita Devitimiyime'nyab' aya  
 kaavilyavi pwipulyainyi. Nimiyime'nyab'

gamire Kaimiraayainyi. Nimi silingaaminya yirikwinyagaa' livamwaja yade' kaabwe sahiri'nyi."

<sup>17</sup> Kurya Tewaanyalyi Sipizipiya Diwinyare sidiraayasi sawaai dina "Kaaja!" A'mwei yagaala daza' wi'noji sai dara dana! "Kaaja!" Nabaai a'mwei aalya'na mijika baloji sai bana! "Aalya' nima!" yawiroji aalya gaala'ne! Gotiyare yanga naange' bamaarana!

<sup>18</sup> Nimi yagaala diraginya' widivanige. A'mwe gazaizai Gotiyare wi'nawijiwaakiyagaala daza bukuya diri warike kadika wi'nivanikeri diraginna dara jalikurakivanige. Saigi yagaala dazangi'na yagaala piri' mije'mwamwiya yijaigi bukuya dathiri' wana kayaa'nanya daza kayaaka yigalya'nenna yida'nike sa Gotiyai giminyi mije'mwamwiya gyatheiginyi.

<sup>19</sup> Nabaai bukuya diri Gotiyare wi'nawijiwaakiyagaala dazangi' yagaala piri' marasi'nijaigi Gotiyai giminyi gamire nawinyaanga bukuya dathiri' yida'nikenna gimarasi'nadeigi. Yi sasareigi giminyine yita gaala'ne siki tika munne dimaranadeigi mi'. Yi sasareigi anga naanga nawinya dazaba yinga wi'na dimwaaideigi mi'. Aawa. Dazaburi gimarasi'nadeiginyi.

<sup>20</sup> Yuya dazanna jalikurakivanika dazai dahaa' dara dina "Yayo, nimi yime'nya'bi' walaabideinyira!"

Sahirisi. Nebula naangesira. Naanga Jizaazai dalaama!

<sup>21</sup> Yanga gaimwanga naanga Jizaazare' sarimi yuyaihilyi yihye'mwannamwaalana!



**Yipma Genesis and New Testament  
Genesis and The New Testament in the Yipma/Baruya  
language  
Buk Stat na Nupela Testamen long tokples Yipma long  
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 3 Mar 2023 from source files dated 9 Oct 2020

ef60f748-49e3-5ee0-8e6d-a25b74b7a93c